

ՀԱՅԻՍՏԱՆ



ՀԱՅԹԱԿԱՆՈՒԹՅԱՆ ՆԱԽ. ԿԱՆԱՆ ԶԱ ԺԶ. ՆԱԽԵՄԵ
ՆԱԽԵՄԵՆԻՍԻ ՄԱՅՐԱՏԵՐՈՒՄԻՆ ԽՈՐՀԱՆԴ
ԽՈՐՀԱՆԴ 1929 ԺՅՈՐԴՈՒՆԸ

ტერორი კაპიტალისტურ ქვეყნებში

წერილი სოფლის ცენტრალურ საპატიმროდან

მიმდინარე წლის ოქტომბერში განზრახული 52 კომუნისტებისა და კომკავშირელების პროცესთან დაკავშირებით, რომელსაც მიზნად აქვს რევოლუციონური, კლასობრივი მოძრაობის საუკეთესო წარმომადგენლების ფიზიკურად განადგურება, ჩვენ ქ. სოფლის ცენტრალურ საპატიმროში მოქცეულ პატიმრებისგან მივიღეთ ვრცელი წერილი, რომელსაც უცვლელად ვათავსებთ ჩვენი ჟურნალის დღევანდელ ნომერში.

აი, რას იწერებიან ისინი: — „ძვირფასო, ამხანაგებო! ჩვენ ქ. სოფლის ცენტრალურ საპატიმროში მოქცეული პოლიტ-პატიმრები განსაკუთრებულ, მკაცრ რეჟიმის ქვეშ ვიმყოფებით, პირველ აგვისტოს შემდეგ. ამის საბაბი გახდა ჩვენს მიერ პირველ აგვისტოს მოწყობილი შეკავშირებული გამოსვლები. ციხის ადმინისტრაცია უძლური აღმოჩნდა ჩვენ წინააღმდეგ, მან ვერ მოახერხა ოდნავ ხელი შეეშალა ჩვენი გამოსვლისათვის, ამ ამბის გამო ის ეხლა შურს ძიობს ჩვენზე ყოვლად საზიზღარი საშუალებებით.

კრების შემდეგ, წავედით თუ არა ჩვენს საკნებში, საპატიმროს უფროსმა შეიარაღებულთა თანხლებით დაიწყო სროლა და ჯოხით სცემა პოლიტპატიმარი გიორგი ნიკოლოვი. ამავე დროს უფროსის ბრძანებით ჯარისკაცებმა დაიწყეს განუწყვეტლად პატიმრების ცემა-ტყეპა. პატიმრების ნაწილი გადაიყვანეს აბანოში, მეორე ნაწილი კი: თედორე პავლოვი, პეტ მიხაილოვი, ვასილი გეორგიევ, მიხეილ პენდშერკოვი და მლადენ სტოიანოვი გაარიდეს თავიანთ საკნებს და გადაიყვანეს ოხრანკელთა სამორიგეო ოთახში, სადაც მათ უმოწყალოდ სცემეს. განსაკუთრებით მძიმედ ნაცემი აღმოჩნდა მიხეილ პენდშერკოვი.

70 პატიმარი მოქცეულია ცალკე საკნებში და ორ-ორი თვის განმავლობაში მნახველთა და ყოველგვარი გადაცემათა მიღების უფლების გარეშე. მათ აკრძალული ჰქონდათ გარედან მიეღოთ რაიმე სურსათ-სანოვარე. ცალკე საკნებში სხედან: ანგელ კოლოგანოვი, ვესკო ფილიპოვი, ივანე იზგოვეი, სტოიმენ ცვეტკოვი, პეტრე მიხაილოვი, ნიკოლოზ სარიევი, მიხეილ პენდშერკოვი და მიშა ნიკოლოვი.

პირველ აგვისტომდე, რამდენიმე დღით ადრე საპატიმროს უფროსის ბრძანებით მძიმეთ სცემეს სტოიმენ ცვეტკოვი, იორდანე ილიევი და სხვ. პატიმრების ყვირილმა

მიიქცია ციხის ირგვლივ მდებარე უბნებში მცხოვრებთა ყურადღება. იორდანე ილიევს ხელფეხში ბორკილი გაუყარეს და პირველ აგვისტოს შემდეგ გადაიყვანეს გორნა ჯუმაში.

სამხედრო პირთა დახმარებით ცემა-ტყეპა, ცალკე საკნებში მოქცევა და სხვ. ასეთი მკაცრი რეპრესიული ზომები გამოგონებულია იმისათვის, რომ ფიზიკურად გაანადგურონ პოლიტ-პატიმრები. ამას არ უარყოფს არც საპატიმროს უფროსი სირომანოვი, რომელმაც მოურიდებლად გამოგვიცხადა ჩვენ: — „თქვენი გამოსწორება შეუძლებელია მანამ, სანამ ფეხებს არ გაჭიმავს ყოველი თქვენთაგანი. აუცილებელია თქვენი ფიზიკურად განადგურება მშვიდობიანობის დასამყარებლად“.

ეს საპატიმრო არის ჩვენი უსაშინელესი მტერი. ამის დასამტკიცებლად საკმარისია დავასახელოთ მხოლოდ ორი ფაქტი: ერთ-ერთი ჩვენი ამხანაგი — ვესკო ფილიპოვი განთავისუფლებულ იქნა ამნისტიის ძალით. მიუხედავად ამისა საპატიმროს უფროსმა ის არ გამოუშვა ციხიდან. ასევე მოიქცენ მეორე ამხანაგის — თოდორ პავლოვის მიმართ, რომელიც არ იქნა გამოშვებული საპატიმროდან. სრულიად უპასუხისმგებლო პირების მიერ დანიშნული იქნა საქმის ხელახალი გადაშინჯვა, რომლის შემდეგ სასამართლოს შემადგენლობამ ამნისტია არ შეუფარდა მათ. ორივე ეს პატიმრები დღემდის საპატიმროში იმყოფებიან.

ვაუწყებთ რა ყოველივე ამას ქალაქისა და სოფლის მშრომელებს, ყველა პატიოსან მოქალაქეებს, როგორც შინ, ისე საზღვარგარეთ მოუწოდებთ ყველას აიმაღლონ თავიანთი ძლიერი პროტესტის ხმა იმ საშინელი ვერაგობის, ცემა-წამებისა და მხეცობათა შესაჩერებლად, რომელსაც სისტემატიური ხასიათი აქვს ჩვენს საპატიმროში.

მოითხოვეთ მთავრობისაგან, რათა დაუყონებლივ მოხსნილი იქნას საპატიმროს უფროსის მიერ დაკანონებული მკაცრი რეპრესიული ზომები, მისი დათხოვნა თანამდებობიდან და პატიმართა სრული ამნისტია.

ძირს ფაშისტური მთავრობა და თეთრი ტერორი.

ძირს ფაშისტური ხელისუფლება.

გაუმარჯოს მუშებისა და გლეხების ხელისუფლებას. სოფლის ცენტრალურ საპატიმროს პოლიტ-პატიმრები.

კაპიტალისტურ ქვეყნების მესვეურთა აღვირახსნილობის საპასუხოდ ოქტომბრის რევოლუციის მეთორმეტე წლის თავზე ერთი-ორად უნდა გავაძლიეროთ ბურჟუაზიის საპყრობილეებში მოქცეულ პოლიტ-პატიმართა მატერიალური და მორალური დახმარება.

გაუმარჯოს საერთაშორისო პროლეტარიატის ერთსულოვნებას!

№ 10

ოქტომბერი

1929

რეზოლუცია

რეზოლუციის საპარტოვლო სენატორ და ბუილისის
კომიტეტის უკვალთვიური ორგანორედაქციის მისამართი:
ტფილისი, კომინტერ-
ნის ქ. №5, II-რე სართ.

∞ ტელ. 17 42. ∞

ოქტომბრის რევოლუციის მეთორმეტე წლის თავი და რეზოლუციის ამოცანები

თორმეტი წლის წინად — 1917 წ. მეფის რუსეთის იმ-
პერიის დაჩაგრული და დაბეჩავებული პროლეტარიატი
სამკვდრო-სასიცოცხლოდ შეება თავის კლასობრივ მტერს
— ბურჟუა-მემამულეთა ხელისუფლებას.

კაპიტალისტური მსოფლიოს მესვეურები
განგაშით შეხვდნენ ამ მოვლენას. რუსეთში მუ-
შათა კლასის გამარჯვებით ისინი გრძნობდნენ
თავიანთ დაღუპვის აუცილებლობას და მოსა-
ლოდნელი „უბედურების“ თავიდან ასაცილე-
ბლად, ყოველმხრივი დახმარება აღმოუჩინეს
თავიანთ კლასობრივ მოძმეებს.

კაპიტალისტური ქვეყნების „სოციალისტე-
ბი“ დასცინოდნენ ძველ რუსეთის ტირეტორი-
აზე აღმოცენებულს, ახალ, პროლეტარულ
წყობილების სულის ჩამდგმელებს: მუშებს,
გლეხებს და ჯარისკაცებს. ისინი დღე-დღეზე
მოელოდნენ ამ უკანასკნელთა განადგურებას
და ისევ ძველი ბატონობის აღდგენას.

მაგრამ ისინი სასტიკად მოსტყუვდნენ. მათ
ვერ გაუწიეს ანგარიში იმ გარემოებას, რომ
რევოლუციისათვის თავდადებულ გმირებს,
მუშათა კლასის საუკეთესო წარმომადგენლებს
შესწევდათ უნარი, ახალი, მუშურ-გლეხური
სახელმწიფოს აშენებისა და მისი აღორძინე-
ბისა.

პროლეტარიატმა ბრწყინვალედ გადასჭრა
მის წინაშე წამოჭრილი ამოცანები. ის გაუმკ-
ლავდა არა მარტო ეკონომიურ კატასტროფას,
შინაურ კონტრევოლუციას, არამედ მან გა-
ანადგურა გარეშე მტერიც, რომელიც რუსე-
თის თეთრ-გვარდიელებისადმი მატერიალური
დახმარებით და ბლოკადებით ცდილობდა და-
საწყისშივე ჩაექრო ოქტომბრის დიდი რევო-
ლუციისადმი.

მას შემდეგ გავიდა სრული 12 წელი. ამ
ხნის განმავლობაში სამოქალაქო ომების
ფრონტებზე დაიღუპნენ მუშათა კლასის გან-
თავისუფლებისათვის თავდადებული უთვალის
გმირები. მათ თავიანთი სიცოცხლე მსხვერპ-
ლად შეწირეს მუშათა კლასის განთავისუფ-
ლებას ექსპლოატაციისაგან და ჩვენს ქვეყანა-

ში შექმნეს სოციალიზმის მშენებლობისათვის მკვიდრი
ნიადაგი.

კომუნისტურ პარტიაში გაერთიანებული მილიონიანი
მასა დღეს აქტიურად ჩაბმულია ჩვენი ქვეყნის ეკონომიუ-



ვ. ი. ლენინი

პეტერბურგის ციხეში ყოფნის დროს (1896 — 1897).

(სურათი გადაღებულია დამცველ განყოფილების მიერ).

რად და კულტურულად აღორძინების საქმეში. ექვს გარეშეა ისინი ბრწყინვალედ შეასრულებენ ამ დაკისრებულ მოვალეობას.

ის უდიდესი სოციალისტური აღმშენებლობა, რომელიც დღეს მიმდინარეობს საბჭოთა კავშირში მეტყველებს იმის შესახებ, რომ პროლეტარიატს შეუძლია არა მარტო ძველი, დამყაუებული, ცხოვრების დანგრევა, არამედ ის მზად არის ააშენოს სრულიად ახალი, მუშურ-გლეხური სოციალისტური ქვეყანა.

ვინც საბჭოთა კავშირისადმი მტრული განწყობილებით სულ არ დაბრმავებულია, მისთვის ადვილი შესამჩნევია ის გარემოება, რომ ჩვენს ქვეყანაში ხუთწლიანი გეგმის მიხედვით მიმდინარე აღმშენებლობა, სოციალისტური შეჯიბრება, განუწყვეტელ კვირაზე გადასვლა, კოლექტიურ მეურნეობათა ქსელის გაფართოვება და კულტურული რევოლუციის გაღრმავება წარმოადგენს მუშათა მილიონიან მასების შემოქმედებითი უნარიანობას.



1917 წ. ოქტომბერი — „გამარჯვებულნი“

ნახ. ა. ოსმერკინისა.

მ ო გ ო ნ ე ბ ა ნ ი

1917 წ. თებერვლის რევოლუციამ სადგურ აჯიკაბულში მომისწრო. იმ ხანებში მე რკინის გზაზე ვმსახურობდი. რევოლუციამდე აჯიკაბულში არსებობდა არალეგალური რ. ს. დ. მ. პარტიის ორგანიზაცია, მაგრამ წევრები ცოტანი იყვნენ.

აჯიკაბულში მაშინ რკინის გზელთა რაოდენობა 500—600 კაცამდე აღწევდა. ამათში კი პარტიის წევრები მხოლოდ 10 კაცი თუ იქნებოდა. მიუხედავად ამისა ნიკოლოზის ტახტის დამხობას და რე-

ჩვენთვის აშკარაა, რაც უფრო სწრაფად ვითარდება ჩვენი ქვეყნის აღმშენებლობა მით უფრო მჭიდროდ ირავ. მეტიან ჩვენს წინააღმდეგ ყველა ანტისაბჭოთა ელემენტები. რაც უფრო სწრაფად იზრდება ჩვენი ქვეყნის ავტორიტეტი საერთაშორისო მუშათა კლასის თვალში, მით უფრო მკაცრ შეტევებზე გადადის საერთაშორისო ბურჟუაზია, რათა ახალ ავანტიურაში ჩაითრიოს საბჭოთა კავშირი.

საზღვარგარეთელი პროლეტარიატი და რევოლუციონური გლეხობა ფხიზელ თვალყურს ადევნებს ბურჟუაზიის მოქმედებას. ისინი სასტიკ პროტესტებს უცხადებენ ყველა მათ, ვინც იარაღით, თუ პრესით დაუნდობლად ილაშქრებს, პირველ, მუშურ-გლეხურ სახელმწიფოს — საბჭოთა კავშირის წინააღმდეგ.

ამ ბრძოლაში პირველ რიგებში მიემართება რუმედასი თავისი მრავალმილიონიანი წევრებით.

რუმედასის მუშაობა დღეს ერთი-ორად უნდა იქნეს გაძლიერებული იმის მიხედვით, თუ რა ხასიათს ღებულობს თეთრი ტერორის შემოტევა. რუმედასმა თავის ყოველ დღიურ მუშაობასთან ერთად ხელი უნდა შეუწყოს ჩვენს ქვეყანაში მიმდინარე სოციალისტურ აღმშენებლობას.

მართალია ჩვენ მსურვალე მონაწილეობა მივიღეთ მიმდინარე წელს საბჭოების გადარჩევაში, სოციალისტურ შეჯიბრებაში, პირველ მაისისა და პრველ აგვისტოს ჩატარებაში, მაგრამ ეს ყველაფერი არ არის. საჭიროა უფრო მეტი ენერგიისა და შემოქმედებითი უნარიანობის გამოჩენა, რათა რუმედასის წევრები სრული ასი პროცენტით ჩაებან მიმდინარე ამოცანების განხორციელებაში.

ოქტომბრის დღესასწაულის ჩატარების დროს საჭიროა გადასინჯული იქნეს, თუ რამდენად ნაყოფიერ მონაწილეობას ვიღებთ ჩვენ სოციალისტურ აღმშენებლობაში. საჭიროა ამავე დროს კონტროლი გაუწიოთ, იმ გარემოებას, თუ რამდენად ატარებენ ცხოვრებაში ჩვენი ქვემდგომი ორგანიზაციები მუშაობის წინასწარ გეგმებს წარმოებამრეწველობაში.

ამასთანავე ერთად არ უნდა დავივიწყოთ მთავარი რამ ჩვენი ორგანიზაციისათვის, ეს რის წევრთა შორის ინტერნაციონალურად აღზრდის საკითხი. ეს ამოცანა გაცილებით უფრო მეტი ყურადღების მიქცევას მოითხოვს დღეს, როცა საერთაშორისო თეთრი ტერორი ემზადება ახალ საერთაშორისო ომის ცეცხლის დასანთებათ.

ოქტომბრის რევოლუციის მეთორმეტე წლის თავზე ჩვენ უნდა შევამჭიდროვოთ რუმედასის რიგები და ხელი შეუწყოთ, როგორც კაპიტალის პატიმართა მატერიალურად დახმარების საქმეს, ისე საბჭოთა კავშირის სოციალისტურ აღმშენებლობას.

ვოლიუციის გამოცხადებას დიდის ენტუზიაზმით შეეგებენ მოსამსახურეები და მთელი მოსახლეობა.

ცოტა ხნის შემდეგ ბაქოდან ჩამოვიდნენ ამხანაგები, რომელთა ხელმძღვანელობით ადგილობრივად ჩამოვაყალიბეთ დროებითი ბიურო. ავირჩიეთ აგრეთვე ადგილობრივი წესრიგის დამცველი კომისარო. ჩვენი ორგანიზაციის წარმომადგენლად ბაქოს კომიტეტში ამირჩიეს მე და გ. ოშანეშვი. იმ ხანებში ბაქოს ორგანიზაციაში

ერთად მუშაობდნენ მენშევიკები და ბოლშევიკები, ეს უკანასკნენი მაშინ არ იყვნენ ორგანიზაციულად ცალკე ჩამოყალიბებულნი.

ბაქოს კომიტეტთან არსებობდა მხოლოდ ბოლშევიკური ფრაქცია. აჯიკაბულის ყველა მუშა-მოსამსახურეები მასიურად ეწერებოდნენ ს. დემოკრატიულ პარტიაში.

191 წ. სექტემბერში ბაქოში მოწვეულ იქნა პარტიული კონფერენცია, სადაც დელეგატებათ დავესწარიტ მე და გ. ოშანეზოვი.

კონფერენციის დღის წესრიგში იდგა შემდეგი საკითხები: 1. ს. დ. პარტიამ ჩაიგდოს ძალა-უფლება ხელში, თუ მუსავატისტებმა და ესერებმა? 2. მენშევიკ-ბოლშევიკების ერთ ორგანიზაციაში შეთავსება, თუ ცალკე ცალკე მუშაობა?

კონფერენციას თავმჯდომარეობდა ა. მ. შაუშიაი, რომელიც ალოშა ჯაფარიძესა და სხვა ბოლშევიკ ამხანაგებთან ერთად მოითხოვდნენ მუსავატისტური მთავრობის გარეკვას და ძალა-უფლების სოციალ-დემოკრატიულ პარტიაზე გადაცემას. მოიწინააღმდეგებოდათ გამოვიდნენ ვილაც ბალათუროვი, სადოვსკი, ის. რამიშვილი და სხვ. ეს უკანასკნელები ამტკიცებდნენ, რომ ლენინის მიერ ნაკარნახევი, საბჭოთა ხელისუფლების გამოცხადება და პროლეტარიატზე ძალა-უფლების გადაცემა დაღუპვამდე მიიყვანს ქვეყანას. დღევანდელი, ბურჟუაზიული რევოლუცია კი ერთად-ერთი საშუალებაა ქვეყნის აღორძინება-წარმატებისათვის და მას ბურჟუაზიული დემოკრატია უნდა ედგეს სათავეშიო, — გაიძახდნენ ისინი.

კამათმა მეტად მწვავე ხასიათი მიიღო და დასრულდა იმით, რომ ბოლშევიკებმა ბაქოს სოციალ-დემოკრატიული ორგანიზაცია დაშლილად გამოაცხადეს. მენშევიკები გარიყულნი დარჩნენ. ორგანიზაციას კი სათავეში ჩაუდგნენ ბოლშევიკები. ამის შემდეგ მენშევიკებმაც შექმნეს ე. წ. ს. დ. მ. პარტიის ბაქოს ორგანიზაცია, მაგრამ მუშების ძლიერ მცირედი ნაწილი გაჰყვა მათ.

ასეთი მდგომარეობა გაგრძელდა 1918 წ. თებერვლამდე. რუსეთის ოქტომბრის რევოლუციის გამოცხადების შემდეგ ბაქოშიაც მზადდებოდა ნიადაგი ძალა-უფლების პროლეტარიატისათვის გადასაცემად. უწინარეს ყოვლისა ბოლშევიკები დაეპატრონენ ქალაქის საბჭოს. იმავე წლის მარტში კ. ბაქოში გამოცხადდა საბჭოთა ხელისუფლება.


ბაქოს პროლეტარიატს ძალიან ძვირად დაუჯდა ძალა-უფლების ხელში ჩაგდება. მენშევიკების დახმარებით გათამამებული მუსავატისტები და ესერები შეეცადნენ ძალა-უფლების შენარჩუნებას. ამ მიზნით მათ მოაწვეეს პროვოკაციული გამოსვლები. შოვინისტურად განწყობილი სომხები და თათრები მიუხიენ ერთიმეორეს, რომელსაც მოჰყვა შეუწყნარებელი და განუკითხავი სისხლის ღვრა. ამ პროვოკაციის წყალობით სრულიად ამოწყდა სომხის და თათრის მრავალი ოჯახი.

მდგომარეობამ მწვავე ხასიათი მიიღო, მაგრამ ბოლშევიკებმა ენერგიული ზომები მიიღეს და მეზღვაურთა აქტიური დახმარებით მხოლოდ სამი დღის განუწყვეტელი ბრძოლის შემდეგ შესაძლებელი გახდა რევოლუციონური წესიერების დამკვიდრება. ამის შემდეგ ჩამოყალიბდა ბაქოს რევკომი, სტეფანე შაუშიაი-ნი-სა და ა. მ. ხ. ჯაფარიძის ხელმძღვანელობით. დაუყონებლივ ჩამოყალიბებული იქნა წითელი არმია და ცხოვრება თანდათან ჩადგა ნორმალურ პირობებში.

მენშევიკები კი — აიოლო, სადოვსკი და მუსავატისტები და დაშნაკელები მაინც განაგრძობდნენ გველურ სისინს; აწყობდნენ აქა-იქ კრებებს და ყოველ გზა ჯვარედინებზე ხალხს ჩასჩიჩინებდნენ ბოლშევიკების „ვერაგობის“ შესახებ. ისინი „ამტკიცებდნენ“ თითქოს ბოლშევიკების მიერ ძალა-უფლების აღების შემდეგ რუსეთში ანარქია გამეფებულიყო, მაგრამ მათ ვერ იშოვეს მომხრეები და ყველგან სტვენით ისტუმრებდნენ.

მდგომარეობა ისე გამწვავდა, რომ განჯის გუბერნიაში შეუძლებელი გახდა საბჭოთა ხელისუფლების გამოცხადება. იქ თავი მოიყარა ბაქოდან გადმოხვეწილმა კონტრევოლუციონურმა ბანდამ და ჩამოყალიბდა ე. წ. „დოკაია დივიზია“, რომელსაც ხელმძღვანელობდა ვილაც შავრაშელი ლენერალი მაღალოვი. ეს უკანასკნელი მაშინდელი საქართველოს დემოკრატიული მთავრობის უშუალო დახმარებით ილაშქრებდა ბაქოს საბჭოს წინააღმდეგ.

იმავე ხანებში აჯიკაბულები ამოვიდა გოგუაძის ჯავშნოსანი მატარებელი, რომელსაც განზრახული ჰქონდა ბაქოზე გალაშქრება, მაგრამ მას ამის საშუალებას არ აძლევდა სად. ალიათში მდგომი ჩვენი ჯავშნოსანი, რომელსაც ხელმძღვანელობდნენ: სამსონ კანდელაკი, სიმონ ხმალაძე და ნოე ლეყავა.



მეზღვაურთა დესანტი მიემართება ზამთრის სასახლის ასაღებათ. ნიკოლოზის ხიდს იქით სდგას კრეისერი „ავრორა“ და მფარველი „ამური“.

მდგომარეობა თანდათან მწვავედებოდა, რუსეთში ღრმავდებოდა სამოქალაქო ომი. გვებრძოდნენ: დენიკინი, კოლჩაკი, სემიონოვი და სხვა მრავალი შავრაზმელები. ასეთ პირობებში ბაქოს პროლეტარიატისადმი რაიმე დახმარების აღმოჩენა შეუძლებელი გახდა და ის დარჩა თავისი საკუთარი ძალების ამარა.

მოლაღატე მენშევიკებმა გაიგეს თუ არა, რომ ოსმალეთი მოდიოდა მუსავატისტების დასახმარებლად განჯის მხრით მოითხოვეს სპარსეთში მყოფი ინგლისის ჯარები. მათ ბაქოში შემოიყვანეს ვინმე ბიჩერახოვის ჯარი მიუხედავად იმისა, რომ ამის წინააღმდეგ სასტიკად ილაშქრებდა ამხ. შ ა უ მ ი ა ნ ი. ბიჩერახოვის ჯარში შედიოდა 2.000 მეტი ყაზახი. მან ბაქოში შემოსვლისთანავე პირველი მახვილი აღმართა ბაქოს საბჭოს წინააღმდეგ.

შეიქმნა მეტათ მწვავე და კრიტიკული მდგომარეობა. ბაქოს საბჭომ ვერ დასძლია შემოსული მტრის ურდოები და ის გმირული ბრძოლების შემდეგ დაეცა, ხოლო მისი ხელმძღვანელი — „26 კომისარი“ დახვრეტილ იქნა ინგლისელების მიერ კასპიის ზღვის ნაპირად.

დღეს, ოქტომბრის რევოლუციის მეთორმეტე წლის თავზე ჩვენ ვალდებული ვართ გადავხედოთ მწვავე ბრძოლებით გამოვლილ მანძილს და გაასკეცბულის ენერგიით ხელი შეუწყოთ იმ ახალი ქვეყნის აღორძინება-აყვავებას, რომელსაც მსხვერპლად შეეწირენ ა/კავკასიის მუშათა კლასის საუკეთესო შვილები.

ვლ. თოდრია.

ა მ ხ. პ ა ნ - პ ა ი ს ხ ს ო ვ ნ ა ს

შანჭაიდან იუწყებიან, რომ უკანასკნელ ხანებში იქ დაუხვრეტიათ 4 ამხანაგი, მათ შორის ამხ. პ ა ნ - პ ა ი ს.

ამხ. პან-პაი იყო ჩინეთის გლეხთა მოძრაობის პიონერი და სულის ჩამდგმელი. მან თავისი მოღვაწეობა დაიწყო ჯერ კიდევ 1923 წ. გუანდუს გლეხთა მასებში. დაიბადა

1921-22 წ. წ. ის შევიდა ჩინეთის კომპარტიის რიგებში, ის იყო გუანდუნში კომუნისტური ორგანიზაციის პირველი ჩამომყალიბებელი. ცოტა ხნით კანტონის მუშებთან მუშაობის შემდეგ ის გაემგზავრა თავის სამშობლოში — ნაიფინში. ამის შემდეგ იწყება მისი დაუღალავი მუშაობა ხაიფინელ გლეხთა შორის.

პან-პაი იყო ცნობილი მუშაკი მასაში; ის მუდამ თავის გარშემო იკრებდა გლეხებს, მართავდა მათთან საუბარს სადღეისო საჭიროებოტო საკითხებზე, თვითონ ბევრჯერ ისეთივე დამცირებასა და სიღარიბე-სიღატაკეს იტანდა, როგორც სხვა დანარჩენი მისი ახლობელი გლეხები.

მისი მოხსენება ხაილუფინის გლეხთა მოძრაობის შესახებ ერთ-ერთ თვალსაჩინო საბუთს წარმოადგენს ჩინეთის გლეხთა მოძრაობის ისტორიაში.

უხანის პერიოდში ის ჩამოვიდა ხანკოუში, სადაც ის არჩეული იქნა სრულიად ჩინეთის გლეხთა აღმასრულებელ კომიტეტში. ჩინეთის კომპარტიის მეხუთე ყრილობის დროს ხანკოუში, გომინდანის აღმასკომის მიწის კომისიაში ის იცავდა აშკარა რევოლუციონურ ხაზს.

მეხუთე ყრილობის მიერ ის არჩეულ იქნა ცეკას წევრად.

უხანის აჯანყების დროისათვის მან მოამზადა ხაიფინელ გლეხთა მასიური მოძრაობა. ამავე დროს ის უშუალო ხელმძღვანელობას უწევდა ხაილუფინის აჯანყებას, რომელმაც ხელი შეუწყო გუანდუნის რევოლუციონურ მოძრაობის გაღრმავებას და, რომელმაც რევოლუციონური მოძრაობის ტალღები გადისროლა ხუნანისა და ცზიანსის სოფლებში 1927 წ. ბოლო რიცხვებსა და 1928 წ. დასაწყისში.

ამხ. პან-პაი კანტონის საბჭოს მიერ დანიშნული იქნა მიწსახკომად და ის საბჭოთა ხელისუფლების დაცემამდე მუშაობდა ხაილუფინში.

მეექვსე ყრილობაზე ის არჩეულ იქნა ჩინეთის კომპარტიის ცეკაში. ამის შემდეგ ის გავიდა პოლიტბიუროს წევრად და მუშაობდა ცეკაში.



ამხ. პან-პაი

საბჭოთა მთავრობის თავმჯდომარე ხაიფინში (1928 — 29 წ. წ.). ჩინეთის კომპარტიის ცეკას წევრი. გლეხთა მოძრაობის ორგანიზატორი სამხრეთ-ჩინეთში. დახვრეტილ იქნა ჩინელ ხუნხუზების მიერ შანჭაიში.

ის კარგად შეძლებული მემამულის ოჯახში. მშობლების მატერიალურად დაუძლურების გამო მან ვეღარ შესძლო სწავლის გაგრძელება. კანტონში, სტუდენტობის დროს ის მიემხრო რევოლუციონურ მოძრაობას. ეს მოხდა 1919 წ. ამის შემდეგ ის მონაწილეობას იღებდა გუანდუნში პირველი სოციალისტური წრეების ჩამოყალიბებაში.

მიუხედავად ამისა ის წინააღმდეგი იყო, როგორც სუნიატ-სენის უტოპიურ სოციალიზმის, ისე ჩენ-გუ-პოს, ტან-პან-სიანისა და სხვათა „სოციალისტური“ ლიბერალიზმის. მას, თავიდანვე სწყუროდა მასიური მოძრაობანი.

ამხ. პან-პაი უკვე აღარ არის. მისი სახით ჩინეთის კომპარტიამ და რევოლუციონურმა პროლეტარიატმა დაჰკარგა თვალსაჩინო მეგრძოლი.

გომინდანელი რეაქციონერები ზეიმობენ ჩინეთის რევოლუციის საუკეთესო შვილების გვამებზე, მაგრამ ისინი ვერ შესძლებენ ჩვენს საბოლოო განადგურებას. ისინი ვერ შესძლებენ ჩინეთის რევოლუციონური პროლეტარიატის

მთლიანად მოსპობას. პან-პაის მიერ დაწყებულ ბრწყინვალე ბრძოლას განაგრძობენ და ღირსეულად დააგვირგვინებენ ასი და ათი ათასი ახალგაზრდა, თავდადებული რევოლუციონერები, რომლებიც უანგაროდ ემსახურებიან ჩინეთის რევოლუციას.

ციუი-ვიტო.

რუმინეთის საპრობილეების შეფებს

(ამხ. დუბინსკის წერილი)

ამხანაგებო!

მთელი ქვეყნის პროლეტარიატის პირველ სამშობლოში ს. ს. რ. კავშირში ჩამოსვლისთანავე, უწინარეს ყოვლისა მე უნდა გადმოგცეთ მხურვალე სალამი რუმინეთის ყველა საპატიმროებში მოთავსებული პოლიტ-პატიმრების სახელით. გარწმუნებთ, რომ მიუხედავად იმ საშინელი რეჟიმისა, რომელიც გამეფებულია რუმინეთის საპრობილეში, მათ შეურყევლად სჯერათ და სწამთ, მუშათა კლასის გამარჯვება.

— არც ერთი წუთით, — ამბობენ ისინი, — ჩვენ არ ვიფიქრებთ იმ გარემოებას, რომ ჩვენ ვართ საერთაშორისო რევოლუციის ჯარისკაცები და თუ ჩვენ აქ ჯდომა გვეძნელება უმთავრესად მხოლოდ იმიტომ, რომ დიდი ხანია ჩამოვშორდით რევოლუციონურ მოღვაწეობას, რომლის მიზანს შეადგენს მუშათა კლასის განთავისუფლება კაპიტალისტური წყობილების ექსპლოატაციის მიმე უღლიდან.

ამხანაგებო, თქვენს მიერ აღმოჩენილი, მატერიალურ, თუ მორალურ დახმარებას უდიდესი მნიშვნელობა აქვს ჩვენთვის საპატიმროს კედლებში ცხოვრების დროს. მატერიალური დახმარება ციხეში საშუალებას გვაძლევს გაუმკლავდეთ მრავალ წლობით ჯდომას, რადგანაც რუმინეთის ხელისუფლება 500 გრამი მჭადის, ან ცოტადენი ღომის მეტს არაფერს არ გვაძლევს საპრობილეში. მორალური დახმარება კი გვამხნევებს ჩვენ და ენერგიას გვაძლევს, გვინერგავს იმედს მომავლისადმი.

ამხანაგებო! მართალია, ჩვენ ყოველთვის ვერ ვღებულობთ ყველაფერ იმას, რასაც თქვენ გვიგზავნი, მაგრამ იმ მცირედსაც კი, რომელსაც ვღებულობთ უდიდესი მნიშვნელობა აქვს ჩვენთვის. თქვენს წერილებს ჩვენს საკნებში თან შემოაქვს სიხარული და აღფრთოვანება, ამიტომ ჩვენ ადვილათ ვიტანთ პატიმრობას, რომლის მეოხებით დაშორებულნი ვართ თქვენგან. მართალია ჩვენ იშვიათად

გაძლევთ პასუხს წერილებზე, მაგრამ ამაში ჩვენ არა ვართ დამნაშავენი.




ამხ. დუბინსკი საბჭოთა კავშირში. დუბინსკი ცნობილი რუმინელი რევოლუციონერია. პროფესიით — მეტყავე. დუბინსკი 9 წ. იჯდა საპრობილეში.

ჩვენს საპრობილეში მეტად მკაცრი რეჟიმია დამკვიდრებული. ხშირი სიმშლიანობა, ცალ-ცალკე საკნებში დანაწილება ხელს უშლის მიწერმოწერის მოგვარებას. მიუხედავად ამისა თქვენი წერილის მნიშვნელობა განუზომელია. ამ წერილებით ვცხოვრობთ და ვსუნთქავთ ჩვენ. თუ კი ჩვენგან სამაგიეროს ვერ ღებულობთ რა ვქნათ, ბურჟუაზია თავზე გვადგას სულთამხუთავად და დასაწყისშივე აქრობს ჩვენს ყოველგვარ სურვილებს. ჩვენ უფრო მეტად გვწყურია თქვენი ცოცხალი სიტყვა, თქვენს მიერ აღმოჩენილი მატერიალური, თუ მორალური დახმარება.



გასტონიის ტრალედის ორი თვე. ფაშისტების მიერ მოკლული მუშა ქალის — ელ ლავიგინსის დაკრძალვა.



(გაგრძელება *)

IV

გავიდა რამდენიმე თვე. გუშინდელი ურჩი ჯარისკაცი, რომელსაც შაშხანაც კი ეუცხოვებოდა დღეს გამოწვრთნილი მეომარი შეიქნა. მიზანში არტყამდა ისე, რომ იშვიათად თუ ააცდენდა რამეს. ხიშტს კი ხმარობდა იოლად, ისევე, როგორც სოფელში ფიწალს თივის შეგროვების დროს.

და როდესაც გარგათ შეასწავლეს სამხედრო საქმე მთელი მათი ასეული ოსმალეთის ფრონტზე გაგზავნეს.

შემოდგომიდან გაზაფხულამდე იყვნენ მიწის ცივი სანგრებში და იბრძოდნენ ღამით, დღისით კი არა სწყდებოდა შემზარავი ხმები ზარბაზნებისა, ყუმბარების გასკდომისა და ტყვიამფრქვევების გაბმული კაკანის.

რამდენიმეჯერ გაუსისინია მის ყურს გვერდით ცხელს, გავარვარებულს ტყვიას და რამდენი ყუმბარა გამსკდარა მის თვალწინ, რომელსაც უზარმაზარი ორმო ამოუთხრია და მიწა აუტყორცნია სივრცეში.

მთელი წელიწადი იბრძოდა დათია ოსმალეთის ფრონტზე, მაგრამ არც გამარჯვება სჩანდა და არც დამარცხება.

დაიქანცა ჯარი. მოსწყინდა გაუთავებელი ბრძოლა, სიმშლი, სისხლისღვრა. მოენატრათ საკუთარი კერა, ოჯახი, ცოლშვილი. მათი ფიქრი გარს ევლებოდა მხოლოდ შინ დაბრუნებას, შრომას, მშვიდსა და დაწყნარებულ ცხოვრებას.

ოჯახებიდან წერილები მოსდიოდათ ჯარისკაცებს. ისინი კითხულობდნენ მასში მხოლოდ სიმშლსა და სილატაკეზე, მათი მშველელი კი არავინ იყო, არსადა სჩანდა.

გაალატაკა ომმა ქვეყანა.

დაავადმყოფა სიმშლიმა ხალხი.

სულიერად დასცა ჯარი და გამარჯვების ფიქრი აღარ აწუხებდა მათ.

— როდის გათავდება ომი!?

— როდის გვეღირსება შინ დაბრუნება!? გაისმოდა აქა-იქ ხმები და პასუხად ამისა შემჩნეულ ჯარისკაცებს აპატიმრებდნენ, სამხედრო-საველე სასამართლოში მიჰყავდათ.

ფრონტის ზუგში ღამით ან რიჟრაჟისას გავარდებოდა ხოლმე ერთი ან ორი ტყვია და ამ შორეულ მთებში, თავისივე ქვეყნის ტყვიით მკერდგახსნილები ეცემოდნენ ხრამებში ურჩი ჯარისკაცები. იქ კი, სახლში შვილები ნატრობდნენ მამის ცოცხლად დაბრუნებას. ომში გადარჩენას.

ხედავდა დათია როგორ აკლდებოდნენ ასეულს თანამებრძოლნი ცალკე მტრის ტყვიებით, ცალკე ზურგში მყოფი ჯალაეთებით.

რა შეეძლო მას იმის წინააღმდეგ, რაც ღმერთისა და მეფის სახელიდ კეთდებოდა.

ეჭირა ხელში შაშხანა. იერიშების დროს ჩახშახს სცემდა სწრაფად, დაუფიქრელად, ტყვიებს გზავნიდა უთვალავს და ამავე დროს თავისთვის ლაპარაკობდა: „როგორ მეჯავრები შაშხანავ, ადამიანს რომ სპობ, შენს მაგიერ ნიჩაბი არა სჯობია ხელში მეკავოს, ერთ ბელტ მიწას მაინც გადმოვაბრუნებდი?!“ სიტყვას კი არ იღებდა. მუნჯად იყო გადაქცეული.

ახალი ბრძანება მოვიდა ფრონტზე. მათი ასეული უნდა მოხსნილიყო და ავსტრიის ფრონტზე გადასულიყო.

გაეხარდა ჯარს. მოგზაურობაში დაისვენებდნენ. დაიძინებდნენ ადამიანურად, სუხარის მაგიერ პურს მაინც შესჭამდნენ...

აიშალა ფრონტზე ორთვალეები და ფურგუნები. გამოჰყვა კლდესა და ღრეს ჯარის ნაწილები და გამოემართა რკინის გზისაკენ.

აივსო ვაგონები ეშელონებით და გამოაქროლა მატარებელმა მეომრები შორეულ ქვეყნიდან, შორეულ ქვეყნისაკენ. გზაში ხვდებოდათ სამხედრო მატარებლები, მასში ისდნენ ახლად გაწვეული ჯარისკაცები. მათ სახეებზე უღვაშები არა სჩანდა. თვალებში ბავშური მკვირცხოვრის ნაპერწკლები არ ჩამქრალიყო, სახეებზე ღიმილი და სიხარული უკრთოდათ. ეგონათ ქეიფად მიდიოდნენ კაცთა სასაკლაოზე.

— რა გიხარიათ, რა? ეკითხებოდა თავის თავს დათია. აი, როგორ გამოტანჯულნი ებრუნდებით. ჩვენ რა ვნახეთ კარგი, რომ თქვენ ნახოთ... მწუხარებით აქნევდა თავს და შესცქეროდა სიბრაღულით. ისინი გავდნენ ბავშვებს რომელნიც მოლიბული გზით დაღუპვისკენ მიცურავდნენ და მათ კი ეს ციგაობად ეჩვენებოდათ.

მატარებელი კი მიჰქროდა. ორთქლმავალი გაჰკიოდა მხოლოდ, ჰაერში ჰფანტავდა შავს, შეკუმშულს კვამლის კვირტებს და მიაქროლებდა განწირულ ადამიანებს.

V

ახალი ფრონტი. ავსტრო-უნგრეთის მხარეა, აქ რუსის ჯარი გამარჯვებული მიიწევდა წინ და ცეცხლს აძლევდა რაც გზაში ხვდებოდა. გერმანულ ყაიდაზე გაკეთებული სანგრები და ტრანშეები შეხვდათ გზაში. ის ბევრად განსხვავდებოდა რუსულ, საფლავების მაგვარ, ვიწრო

*) იხ. ურ. „რემედას“ — 1929 წ. სექტემბრის, ქართული-რუსული, სპეციალური ნომერი.

თხრილებისაგან, რომელშიც ჯარისკაცებს სული ეხუთებოდათ.

ამ ფრონტზე პირველი ბრძოლა რომ მოუხდათ რამდენიმე ვერსიით წაიწიეს წინ. დამარცხებული ავსტრიელები მიილტვოდნენ უკან, იარაღაყრილი ტყვეები კი მოჰყავდათ ჯარისკაცებს. მათ ჰქონდათ შესაბრალების სახეები. აღარ ჰგავდნენ მეომრებს. ისინი გაშიშვლდნენ ყოველგვარ ზრახვებისა და იმ ქურქისაგან, რომელსაც იარაღით ხელში ატარებდნენ. ეხლა გადაქცეულიყვენ მხოლოდ ადამიანებად, რომელნიც სიცოცხლესა და შებრალებას მოითხოვდნენ.

მეორე დღეს ეს გამარჯვება ფრონტის მთავარსარდალმა იმით აღნიშნა რომ არმია პირადათ შემოიარა და ღმერთისა და მეფის სახელით მადლობა გამოუცხადა.

ის ამბობდა:

— ჩვენ გავიმარჯვებთ ღმერთის წყალობით, გავანადგურებთ ჩვენს მტრებს და სიამაყით გადიხედავს მაშინ ორთავიანი არწივი რუსეთის იმპერიისა.

რამდენი ჯარისკაცი გულუბრყვილოთ შესძახოდა საპასუხო „ვაშა“-ს, რამდენი კაცი ნაძალადევად.

ასე იყო დათიაც.

— გამარჯვება რისთვის მინდა. ამდენი ხალხი თუ დაიხოცება, ოხ, ეს ორთავიანი არწივი?! წამოიძახებდა და ბრაზით მკერდზე ხელს დაიკრავდა.

ასე მიდიოდა დრო.

ბოლო ხანებში კი, როდესაც გაზაფხულის ფურცლები იშლებოდა, და ღვებოდა ყინულები მდინარეებში, ღვებოდა ზამთრისაგან გამშრალი მიწა, ფრონტი მეტისმეტად გამოცოცხლდა. აქ მოდიოდნენ ფერშლების და სანიტრების სახით რევოლიუციონერები, რომელნიც ჩუმ-ჩუმად ომის წინააღმდეგ ეწეოდნენ პრაპაგანდას. რამდენიმე პირი გაიცნო დათიამ. ესაუბრებოდა ხშირად მათ და გეზულობდა მათგან ქვეყნის ავკარგს.

ერთ დღეს კი მოვიდა ცნობა, რომ ორთავიან არწივს თავი გააგდებინესო და რომ უკანასკნელ წუთებს ითვლის ფრთების ფართხალში.

ეს იყო თებერვალი.

ეს იყო თებერვლის რევოლიუცია.

მაშინ ფრონტმა მძიმედ და თავისუფლად ამოისუნთქა.

მცირე ხნის შემდეგ ოფიცრებს კეთილშობილებისა და ბრწყინვალეების მაგიერ ბატონოს უძახოდნენ.


ჯარი მოელოდა ომის დამთავრებასაც, სახლში დაბრუნებას, მაგრამ ასკუპდა მეფის მაგიერ კერენსკი და ბრძანა მან:

— ომი გამარჯვებამდე!..

გაიყო ორ ბანაკად ფრონტი. ერთს უნდოდა სიმშვიდე. ოჯახი, ქარხანა, შრომა. მეორეს ბრძოლა, სისხლის ღვრა, გამარჯვება მოძმეთა სიკვდილით.

აშკარა იყო დათიასათვის საით იყო სიმართლე. იმართებოდა მაშინ მიტინგები. ირჩევდნენ ჯარისკაცები თავის წარმომადგენლებს დეპუტატთა საბჭოში, მაგრამ ისინი ფეხს შესდგამდნენ, თუ არა მასში, მაშინვე გადაგვარებულნი გამოდიოდნენ, ისინიც ამბობდნენ:

— ომი გამარჯვებამდე!.. სიკვდილი გერმანელებს!.. და მოდიოდა ბრძანება ბრძანებაზე: „ფრონტი არ მოიხსნას, სიკვდილით დასაჯეთ რევოლიუციის მოღალატენი“. ისჯებოდნენ მშვიდობიანობის მსურველნი. ხვრეტდნენ მათ.



მუშათა დემონსტრაცია ვარშავაში.

ფრონტი კი შეაკავეს. ჯარს ისევ ბანგ-ბადაგი აპკურეს, ისევ ლაგამი ამოსდეს.

ომი გაგრძელდა.

VI

ზაფხულის სიცხიანი დღეები დაიწყო. ეს ის დრო იყო, როდესაც ჯარისკაცებმა ფრონტზე მაზარა გაიხადეს, მხარზე გადიგდეს, და ერთი პეშვი წყლისათვის თავს სწირავდნენ.

ხალხს, რომელიც შინ დაბრუნებაზე ოცნებობდა ძალათ ჩაუნერგეს: „ან სიკვდილი, ან გამარჯვება“. და მიიწევდა ჯარი წინ, იბრძოდა.

ერთ განთიადისას, როდესაც მზე ის-ის იყო ჩნდებოდა პორიზონტზე, გავარდა ზარბაზანი. რამდენიმე წუთის შემდეგ მას მოჰყვა მეორე.

ფეხოსნები საომრად მოემზადნენ. თხრილებიდან თოვის ლულები გადმოაწვინეს და ბასრი თვალი გადაავლეს წინ სივრცეს. მშვერავები და მოწინავე გუშაგები დასისხლიანებულნი მოაქენებდნენ ცხენებს უკან. ისინი ქაქანით წარსდგნენ შტაბში და განუცხადეს, რომ მტრის დიდი ძალა ფარულად მოიწევდა წინ.

ავსტრიელებს გადამწყვეტი ბრძოლის გამართვა უნდოდათ რუსეთისათვის, რომ წართმეული ადგილები უკან დაებრუნებინათ.

და მაშინ გაიმართა საზარი ბრძოლა.

ვიდრე თოფები ახმაურდებოდნენ ბრაზუნებდა ზარბაზნები და კაკანებდნენ ტყვიამფრქვეველები.

ცეცხლი და ცეცხლი გამდნარი ტყვია სრიალებდა ჰაერში. შავი კვამლი იშლებოდა მიწიდან ცამდე და ხმები სროლის, კვნესის აყრუებდა სმენას.

ამ დაუზოგველ და უსულგულო ფოლადებს შორის ილუპებოდენ ადამიანები.

გამწვავდა ბრძოლა.

ზარბაზნებმა შესწყვიტეს სროლა. მტერი ძლიერ ახლო მოვიდა.

აქ თოფებმა ამოიღეს ენა და ცხელი გულები იძირებოდა ადამანთა მკერდებში.

მალე თოფებიც უძლური შეიქნენ.

ხიშტზე გადავიდა ჯარი.

დაიწყო ერთმანეთის უმოწყალო ჩეხვა, მკვლელობა.

საზარელი სურათები:

ერთმა მუცლით ხიშტზე წამოაგო მტერი.

მეორემ მკერდში ჩასცა და წაქცეულს ფეხით შეადგა. ზევიდან რაც ძალი და ღონე ჰქონდა დააწვა. მაინც და მაინც გაუტარა ხიშტი მკერდსა და ზურგს შორის.

მესამე დაჩოქილია და ელის წამს, როდესაც მალლობზე მდგარი მეომარი კეფაში ჩასცემს კონდახს. მას სახე ისედაც სისხლიანი აქვს, ისედაც მომაკვდავია.

მეოთხე უფრო საშინელია.

ასეთი სურათები კი მრავალია.

მათში არის დათიაც. მხნედ აქვს მკლავი. გული მტკიცედ. მიზანი კი სრულებით არ მოეპოვება. არც ჯაფრი აქვს მტრისადმი, არც სიძულვილი.

გაიფანტა ჯარი, გორაკოვან ველზე გაიშალა.

ერთ გორაკზე ხიშტ წაწვდილი მიიწევს წინ დათია. უკანასკნელი ათეულები მიეშველა დამარცხებულ რუსის ჯარს, მაგრამ საშველი მაინც არ არის.

უკან თეთრი ბაირალის კალთებიც კი აფრიალდა, მაგრამ ბრძოლა ჯერ არ ჩერდება.

პირისპირ შეხვდა დათია ერთ ავსტრიელს. მგლური მუხლები. ძლიერი მკლავებში ძლიერი სისხლი უჩქევს მას. მოდის ახოვანი ავსტრიელი და გერმანულ ბრტყელ ხიშტთან თოფს მოათამაშებს.

მარცხდება რუსის ჯარი, მაგრამ ვეფხვივით იბრძოლებს, დამარცხების საშინელებას გულიდან ამოითხრის. რამდენიმეს მაინც უსულოდ დააგდებს.



ლიუსტგარტენში (გერმანია) კომპარტიის ხელმძღვანელობით მოეწყო უდიდესი მუშათა საპროტესტო დემონსტრაცია.

„აი, ეხლა ეს დაეცემა ძირს მკვდარი,—ფიქრობს დათია, მერე კიდევ სხვა უნდა დავსცე ძირს, ბოლოს მეც ჩამეცემენ მახვილს და გათავდება ყველაფერი. მშვიდობით მაშინ თავისუფლების სურვილო, მშვიდობით ჩემო მხარე“.

შორიდანვე ერთმანეთს თვალი გაუყარეს.

ამ თვალეში ერთდამავე დროს კრთოდა თავგანწირვა და სიცოცხლის წყურვილი. ეძებრენ ერთმანეთს.

ხიშტი არ იხმარა დათიამ. კონდახი რომ მოიქნია მოწინააღმდეგის თავს გააბრტყა. მას ხელები დაუბუჟდა და გაუვარდა. არაფერს ანგარიშს არ უწევდა დათია, მისი ამხურვალეული გული და გონება მგონი მხოლოდ საკუთარი სიცოცხლის გადარჩენაზე ფიქრობდა.

მეორე წამიც და ამართული მკლავები გამოაქანებდნენ ხიშტიან შაშხანას.

ავსტრიელი კი გაბრუებული იდგა. მერე გაყრუვდა. მთელი საშინელება დატრიალდა მის აზრში. საფეთქელმა ცემა დაუწყეს. თვალებიდან სინათლე ეცლებოდა.

ამ თვალეში ანაზღათ ჩაუვარდა დათიას თვალები. ეს ადამიანი უკვე მკვდარი იყო. აზრზე მოვიდა დათია. თოფი სუბუჟად დაუშვა ძირს და თვალს არ აშორებდა. როდესაც ავსტრიელი გამოირკვა მას უკვე თვალწინ მოლიმარე სახე დაუხვდა. მეგობრულად შესცინა დათიამ. გაშტერებული ავსტრიელი თავს არ უჯერებდა. ნელი-ნელ, სახის ნაკვეთების თანდათანობითი ამოძრავებით, იჭვიანი ღიმილი გადკრა სახეზე. მერე კი როდესაც დათიამ მხარზე ხელი დაადო, მარჯვენა გაუწოდა, ხელი ჩამოართვა მას ავსტრიელმა, რაც კი სიხარული განუცდია ოდესმე სულ სახეზე გადიტარა, სულ გულში ჩაიდვარა. ხელით ანიშნა დათიამ ავსტრიელს და ჩამოჯდნენ გამხმარ მიწაზე.

მათ ზურგში კი ფრიალებდა თეთრი ბაირალი. იარაღს ყრიდნენ, ნებდებოდნენ. ტყვეებს აგროვებდნენ.

დათიას და ავსტრიელს ერთმანეთის ენა არა გაეგებოდათ. გრძნობდნენ მხოლოდ რომ სიყვარული დამკვიდრდა მათ შორის.

ავსტრიელმა ჯიბიდან ტყავის სათუთუნე ამოიღო. გერმანული სიგარა მიაწოდა. აიღეს ორთავემ. გააბოლეს. მეგობრულად შესცქეროდნენ ერთმანეთს და ეხვეოდნენ კვამლის კვირტებში.

უცხად შორიდან რაღაც ხმები მოესმათ. ავსტრიელმა გაიგო მისი შინაარსი. მაშინვე ფეხზე წამოდგა. უჩუმრად უცქირა დათიას, ვერც რამეს ეუბნებოდა, ვერც წასულიყო.

ჩაფიქრდა დათია. „რას მოხვს“?.. გაიტარა გულში.

— აჰა, ტყვეობაში მეპატიჟება,—წამოიძახა ხმამაღლა და ზეზე წამოდგა.

წინ წადიო, ხელით ანიშნა დათიას. თვალი გადაავლო ძირს დადგმულ ხიშტს, მერე ზიზღხანი სახით ფეხი წაჰკრა და გაემართა.

ავსტრიელმა თვალი აადევნა მის მოქმედებას, ჰკვირობდა და გონების სიღრმეში კი რაღაც აზრი დაებადა.

წაჰყვა დათია ტყვედ.

როდესაც ავსტრიელმა ის სხვებთან მიიყვანა, ერთ-ერთ ამხანაგს ყურში წასჩურჩულა:

— Er ist Bolehevik!... *)

რამდენიმე წლის შემდეგ ქვეყანა დამშვიდდა. თითქოს ლიდან ბოლშევიკი ამოიშალა და მიყუჩდა, სხეულზე კი ამ მღელვარების გამო მრავალი ბაღალა და ტკივილი დაურჩა.

ომი გათავდა.

შერჩა ქვეყანას ოცი მილიონი კოჭლი, უმკლავო ან ფერდებგახვრეტილი ადამიანი და ატირდენ ათი მილიონის მშობლები, დები, ძმები.

სოფელმა ბარეთმაც რამდენიმე შვილი ჩაიბარა უკან, უფეხოც, უმკლავოც და ნეკნამოდებულიც. დათიანე კი იგლოვა ყველამ, იგლოვა სოფელმა. ის მოკლულად ჩასთვალეს და აღარ ელოდნენ მის დაბრუნებას.

სოფლის დიდი მზე ჩვეულებრივად ამოდიოდა ცაზე, ამწიფებდა, ასიცოცხლებდა ვენახებს, ყანებს, ბაღებს და სოფელიც შრომობდა ისევ, ზრუნავდა საკუთარ სიცოცხლეზე. ეხლა, ამ ომის შემდეგ ჩითეულიც აღარა ჰქონდათ, რომ სხეული დაეფარათ და მათ გახსნილ უბეებში ქროდა ნიაფი, სიცივე.

ერთ დილას სოფლის შარა გზას მოჰყვებოდა ახოვანი ყმაწვილი უცხოურ ტანსაცმელში გამოწყობილი. მას ეცვა მუხლისთავებამდე აწვდილი წინ შესაკვრელი ჩექმები, მწვანე, შიგ ჩაყოლებული შარვალი, ფიჯაკი და უბრალო რუხი ქუდი. ზურგზე ეკიდა კარგა მოხდენილი აბჯა. ის ამ აბჯას ხან ერთ მხარზე გადიკიდებდა და ხან მეორეზე, სახეზე ელვარება და დაფაციცება ეტყობოდა. ნაბიჯი არ გავდა ჩვეულებრივს. გოლიათური სიმარჯვით მიდიოდა წინ.

ორღობეები რომ გაათავა ბაზარში შედგა ფეხი და მოუსვენრად იცქირებოდა გარშემო.

სოფლელები ჯერ კიდევ შორიდან შესცქეროდნენ და გაიძახოდნენ:

— ვინ არის ეს კაცი ნეტაი?..

— რას დაებოტება შლიაპაში სოფელ-სოფელ, ჰა?..

— მეტი რა საქმე აქვთ ქალაქელებს, შვილოსა, დადიან და თავს იქცევენ.

ყმაწვილი თანდათან ახლო მივიდა.

— გიგა, მოიწიე აქეთ კაცო, ესა ჩვენი მართას დათია არ არის?..

— მაშ, კაცო, ის უნდა იყოს.

ამ დროს ყმაწვილი შეჩერდა და გამომცდელად შეხედა. ცოტა ხნის შემდეგ გაუცინა და ამ სიცილმა ნათლად დაანახვა გლეხებს რომ ის დათია იყო.

— გამარჯობა შენი!..

— ჩვენ შენ ცოცხალი როდი გვეგონე!..

— იმ დასაქცევმა ომმა რამდენი ხალხი დაგვიხოცა!..

მიუახლოვდნენ სოფლელები და ხელის ჩამორთმევასთან ერთად სხაპასუხით მიაყარეს გამარჯვებისა და გამოკითხვის ამბები.

უსიტყვოდ მხოლოდ მხიარული ღიმილით შესცქეროდა დათია ყველას და მარჯვედ ხელს ართმევდა.

თან მიჰყვებოდა შარას, მიისწრაფოდა შინისაკენ, რომ ჩაეხუტოს მოხუც დედას, დას, ძმას, რომ გული გაუხაროს გამოტანჯულ ადამიანებს. მიჰყვებოდა გვერდში გლეხებიც საუბრით, სიხარულით.

ცოტა ხნის შემდეგ ერთი გლეხი შეჩერდა. გონებაში რაღაც აზრმა, როგორც ნაჯახმა ისე ჩაჰკრა და ჩააშტერდა მეორეს, შემდეგ ეს მზერა დათაზე გადაიტანა და დიხანს, დიხანს ასე უცქირა.

— რა იყო, გიგა!.. რას შემომცქერი აგრე დაუინებით? შეეკითხა დათია და მაჯაში ხელი წაავლო.

— ჩემი სახლი?.. ჩემი დედა?.. განიმეორა დათიამ.

— არაფერი, წამოდი ჩემთან წავიდეთ.

— შენთან?.. ჩემი სახლი?!

გაჩუმდნენ ყველანი.

პასუხი არავინ გასცა. რამდენიმე ნაბიჯით გადაზდგეს, ხიღს გადასცდნენ იქიდან მოსჩანდა დათიას ქოხი.

— ჰხედავ?.. ჰკითხეს.

დათიამ დაინახა თავის ეზოში აყვავებული დიდი ნუშის ხე, მძლავრად მდგარი კაკლის ხეც, ღობე კი არსად სჩანდა. ქოხი?.. აღარც ქოხი იყო. ძირს ქვითკირი ეყარა და რამდენიმე დამპალი ყავარი.

— დაინგრა... უთხრა ერთმა.

— შენი და ისპანკამ მოკლა, ძმა სადღაც გადიხვეწა.

— დედა! დედა კი მათ დარდს გადაჰყვა...

იცრუა გლეხმა. დარდს კი არ გადაჰყვა, სიმშლით, სიცივით ცივ ზამთარში მოკვდა იმავე ქოხში, როდესაც მას კედლებიც არა ჰქონდა, ქარი შემოდიოდა, წვიმა ასველებდა მის საწოლს და სცხვენია ამ გლეხს, რადგან სოფელი არ მოეშველა.

მწუხარედ იდგა დათია და შესცქეროდა საყვარელ ადგილს, სადაც ის დაიბადა, აღიზარდა, სადაც ერთ დროს პატარა კარმიდამო იყო.

— გაჭირვება იყო, შენი ჭირიმე, მთელ სოფელში, ერთი ჩანახი ხორბალი სიცოცხლის ფასად ღირდა და...

შეხედა დათიამ აცრემლებულ თვალებით, მერე უცბად ტანში გასწორდა, ყელი მოიღერა და თვითეულ მათგანს ხელი ჩამოართვა.

რაღა დარჩენოდა მას სოფელში? ნათესავად აღარავინ გააჩნდა, მოყვრობა კი არავინ არ გაუწია. შემოტრიალდა, თავისი გოლიათური ნაბიჯი მოიმარჯვა და ქალაქისაკენ გასწია.

(გაგრძელება იქნება).

ელიზბარ პოლუმორდვინოვი.

*) ეს ბოლშევიკია!..

საბჭოთა და გერმანიის გემის „ანფრიდ“-ს მოსამსახურეთა შეხვედრის საღამო.



1928 წ. 12 ნოემბერს ფოთის ინტერნაციონალურ კლუბში.

1. ფრიც ბოლვერკ, 2. განც ვოკ, 3. ვალტერ ჯერფიტ, 4. გიუგო გცესიხ, 5. ოცო შპრინგერ, 6. განც ვენდ, 7. თეოდორ შუჰარტ, 8. კარპენკო (მეზღვაური), 9. კარლ ენკე, 10. რეშეტნიკოვი, 11. ალფრედ შაკნის, 12. კოლეიდა, 13. მაქს ბორს, 14. იონაკი (მეზღვაური), 15. ალბერტ მაკოვსკი, 16. მილლერ, 17. სტეფან ტუშინსკი, 18. ალფეროვ, 19. კურტ შპონ, 20. ავინ (მზარეული), 21. კრივოი (მეზღვაური), 22. ლეხუტა, 23. რატკოვსკი (ბოცმანი), 24. გაგუა (მეზღვაურთა კავშირის თავმჯდომარე), 25. გრეშ-

ჩენკო (მეზღვაური გემი „ჩატირდაგი“-ს მეზღვაურთა კომიტეტის თავმჯდომარე), 26. ვილგალმ მარტენს, 27. კოლიაროვ, 28. ლოიდის, 29. სუსლოვი, 30. კურტ კლორ, 31. მაუეშა, 32. გრეკოვი, 33. ბოლქვაძე (კლუბის გამგე.), 34. სოხინ, 35. შმელიოვი, 36. ჩეზუნენკო, 37. ალბერტ (მეზღვაურთა ინტერნაციონალური კლუბის მდივანი), 38. ადოლ ბუხ, 39. შეველიოვი (მეზღვაური), 40. გრიგოროვიჩი, 42. შაპოვალენკო და 43. შაშინსკი გემის კაპიტანი.

გერმანელი მეზღვაურები ფოთში

(მოგონებანი)

გერმანელ მეზღვაურთა ერთი ჯგუფისაგან ჩვენ მივიღეთ თბილი თანაგრძნობით და ინტერნაციონალური ერთსულოვნებით გამთბარი წერილი. უადგილო არ იქნება ეს წერილი გავაცნოთ ჩვენს მკითხველებს. ამიტომ მოგვყავს ის ოქტომბრის რევოლუციის მეთორმეტე წლის თავზე ოდნავ შემოკლებით.

აი, რას იწერებთან გერმანელი მეზღვაურები:

„1928 წ. ნოემბრის 5 ჩვენ გერმანელმა მეზღვაურებმა გემი „ანფრიდ“-ს ჩავედით ქ. ბათუმში. მოახლოებული იყო უდიდესი რევოლუციონური დღესასწაული, ჩვენ ყველანი ალტაცებულნი ვიყავით იმ ფაქტით, რომ შვიდი ნოემბერი საბჭოთა მიწა-წყალზე უნდა გვედღესასწაულა.

იმავს საღამოს ჩვენ მეზღვაურებმა, მემანქანეებმა, სხვა მოსამსახურეებთან ერთად წავედით ინტერნაციონალურ კლუბში. ჩვენ შემოგვირთდნენ იმ ხანებში ბათუმის ნავთსადგურზე მდგომი, ორი გერმანული გემის მეზღვაურები. კლუბის ხელმძღვანელმა წაგვიყვანა კინოში, სადაც ჩვენ გვიჩვენეს სურათი სააქართველოს 1867 წ. ყოფაცხოვრებიდან. ამრიგად ჩვენ უფრო ახლოს გავეცანით ქართველი ერის ცხოვრებას.

კლუბის ხელმძღვანელი გვიხსნიდა სუყველაფერს დღესასწაულის წინა დღით, ე. ი. ნოემბრის 6 საღამოს ინტერნაციონალურ კლუბში მოეწყო ინტერნაციონალისტების საღამო, რომელშიაც ადგილობრივ ტრანსპორტის მუ-

შეზღუდულია ერთად ჩვენც მივიღეთ აქტიური და მხურვალე მონაწილეობა. წითელი ჯარის, მუშების, ახალგაზრდობის და მშრომელი ქალების წარმომადგენლები გამოდიოდნენ სიტყვებით. ისინი გვესალმებოდნენ ჩვენ უცხოეთის მუშათა წარმომადგენლების. გვაცნობდნენ ჩვენ საბჭოთა კავშირს, რომელიც მიუხედავად ბურჟუაზიული სამყაროს მესვეურთა ცილისწამებისა მაინც შეუჩერებელი წინ მიიღწევის აღმშენებლობის მტკიცე გზით.

ყოველი ორატორის სიტყვა თავდებოდა შემდეგი სიტყვებით: „პროლეტარებო ყველა ქვეყნისა, თქვენი მიზანია ჩვენი მიზანია, თქვენი ბრძოლა ჩვენი ბრძოლაა. ჩვენ ყოველთვის მზად ვართ დაგეხმაროთ იმ გადამწყვეტ ბრძოლაში, რომელსაც თქვენ აწარმოებთ ჩვენი საერთო მტრის, საერთაშორისო კაპიტალიზმის წინააღმდეგ“.

ნოემბრის შვიდს დილით ჩვენ ყველამ ერთად გავსწიეთ წითელი დროშებით ინტერნაციონალურ კლუბისაკენ, სადაც ჩვენ შემოგვიერთდნენ რუსი მუშები, აქედან კი — სამხედრო მუსიკის გრილით ყველანი ერთად გავემართეთ დანიშნულებისმებრ. ბათუმის ქუჩებში ჩვენს გამოჩენას აღფრთოვანებით შეხვდა მოზღვავებული ხალხი. კარგა ხანი გავიდა. ვიდრე დემონსტრანტების დაუსრულებელი რიგები მიაღწევდნენ და სათანადო ადგილებს დაიჭერდნენ მოედანზე. აქ ამართული იყო ტრიბუნა, გამოდიოდნენ მუშების, წითელ-არმიელების, მშრომელი ქალების და ახალგაზრდობის წარმომადგენლები, ესენი აღფრთოვანებით ამბობდნენ საზეიმო სიტყვებს. ერთი ჩვენი ამხანაგი მიესალმა ქართველ მუშებს და გლეხებს და მიულოცა მათ ოქტომბრის რევოლუციის თერთმეტი წლის თავი. დღესასწაულის დამთავრების შემდეგ ჩვენ ისევ დაგვბრუნდით ინტერნაციონალურ კლუბში, სადაც ჩვენ მიგვიწვიეს სადილად. აღსანიშნავია ის გარემოება, რომ ჩვენს მიმართ დიდი სტუმართმოყვარეობას იჩენდნენ მუშები. აქ ყველაფერს თავისუფლების ელფერი ედო, აქ არაფერს არ ეტყობოდა ძალადობა, რაც აშკარად თვალში გეცემათ კაპიტალისტურ ქვეყნებში.

საღამოს გაიმართა წარმოდგენა, რომელშიაც მონაწილეობდნენ განსაკუთრებით ტრანსპორტის მუშები. ჩვენ ისე აღფრთოვანებით ვისმენდით ყოველივეს, რომ მზად ვიყავით მთელი ჩვენი არსებით შევბრძოლებოდით იმ საზიზღარ ცილისწამების კამპანიას, რომელსაც ბურჟუაზიული ქვეყნების ოფიციალური ჟურნალ-გაზეთები ავრცელებდნენ საბჭოთა კავშირის შესახებ.

მეორე დღეს ჩვენ ზღვით გავემგზავრეთ ქ. ფოთში, სადაც ნავთსადგურში შესვლისთანავე მოგვეგებნენ მუსიკით. აქაც ისეთივე თბილი შეხვედრა გავგვიმართეს; გემიდან ჩამოსვლისთანავე გავსწიეთ კლუბისაკენ, სადაც წარმოითქვა მრავალი სიტყვა. ფოთის ნავთსადგურზე ყოფნის დროს ჩვენ საშვალება გვქონდა დაგვეთვალიერებია იქვე მდგომი რუსის სამგზავრო გემი.

ყველაზე უფრო ძლიერი შთაბეჭდილება მოახდინა ჩვენზე სამგზავრო განყოფილებამ, მისმა შეუდარებელმა სისუფთავემ; აქ ყველაფერი თავის ადგილზე იყო, ყველაფერს არაჩვეულებრივი, სასიამოვნო ელფერი ედო; შედარებით ბევრ გერმანულ გემებთან ეს პირდაპირ საკვირ-

ველება იყო. კლუბის ოთახი გემზე, შეუდარებლად იყო მორთული. ყველანი დიდ კმაყოფილებას გამოსთქვამდნენ თავიანთი ცხოვრების ახალი პირობებით. ისინი მუშაობენ მხოლოდ 8 საათის განმავლობაში, მემანქანეები კი 6 საათს, მოსამსახურეთა უფროს და უნცროს შემადგენლობას წელიწადში დასასვენებლად ეძლევა ორი კვირა თვითუფროს. მემანქანეებს კი თითო თვე. ბაქანზე კვირა დღეებში მომუშავეთ თვეში 2 დღე იძლევა დასასვენებლად. ზედმეტ საათების დროს მუშაობისათვის პირველ ორ საათის განმავლობაში აძლევენ 50%, ხოლო შემდეგ საათებში კი სულ 100%. ამ მხრივ საბჭოთა მეზღვაურების მდგომარეობა ჩვენთან შედარებით გაცილებით უკეთესია. ჩვენ დიდის სიამოვნებით და კმაყოფილებით დავრჩებოდით რუსეთის გემზე სამსახურში, მაგრამ ეს შეუძლებელი იყო.

შემდეგ საღამოს ჩვენ გვქონდა საუბარი ადგილობრივ ამხანაგებთან. საუბრის დასრულების შემდეგ ადგილობრივმა ამხანაგებმა საჩუქრად გადმოგვცეს წიგნები და 3 წყვილი სამუშაო ხელთათმანი.

მეორე დღეს ჩვენ გავემგზავრეთ. ნაპირზე დავსტოვეთ მასპინძლები, ისინი მხურვალე საღამით გვისტუმრებდნენ. ჩვენ, ჩვენთვის, რომლებმაც მთელი ქვეყანა შემოვიარე, ძნელი იყო საბჭოთა ნაპირთან დაშორება.

ამხანაგმა, რომელიც გვერდით მედგა იმ წუთში მითხრა: — „რაც ძალიან მეძნელება, ასე მგონია ვეთხოვები საკუთარ სამშობლო მიწას. ყველანი მოვალენი ვართ დავეხმაროთ საბჭოთა კავშირს, უნდა ვებრძოლოთ ინტერნაციონალურ კაპიტალიზმს, რომ ხელი შეუშალოს მათ ამ პროლეტარულ სამშობლოს წინააღმდეგ ომის დაწყებაში. ამიტომ საჭიროა ყველანი შევიდეთ ინტერნაციონალური კლუბის და კომპარტიის წევრებათ“.

ი. გ.



ავსტრიაში ამჟამად მძვინვარებს საშინელი უმუშევრობა.

პოლიცია და ფაშისტური ორგანიზაციები წარმოებდნენ ქუჩაში ერეკბიან რევოლუციონურად განწყობილ მუშებს.



ინგლისელი ჯარისკაცის წერილიდან

ციებ-ცხელებამ შემიპყრო, საცოდავად მაძიებდებდა და შტაბის ექიმმა გადამგზავნა ერთი კვირით იერუსალიმის ჰოსპიტალში.

ციების დროს ჰოსპიტალის ექიმმა ნება მომცა ერთი საათით ეზოში გავსულიყავ გასასეირნებლად. ჩვენი ეზო ერთი მხრით ემხრობა ევროპულ ქუჩას, მეორე მხრით პირდაპირ გადაჰყურებს ამტვერიანებულ ქუჩას, რომელიც მიემართება მაღალსა და ძველ გალავნისაკენ ე. ი. არაბული უბნისაკენ.

ეზოში მე შევნიშნე გადაყვითლებული ბავშვები, ისინი დასდევნენ სამიოდე ძაღლს. ეს ბავშვები დიდის წვალეებით გადმოდიან 3-4 სართულიან გალავნიდან. ძაღლები დარბიან ბავშვების შიშველ ფეხების ირგვლივ. ბავშვები მღერაინ და ამით იქარვებენ სიმშოლსა და წყურვილს.

მათ მთელი დღე და ღამის განმავლობაში არაფერი უკამიათ. უეცრად ქალაქის ყველა კუთხეებიდან გამოეჩანენ ისინი. მოამზადეს სასწრაფოდ, მათი ოთხფეხა მეგობარ ცხოველების მიერ გალოკილი კონსერვის თუნუქის ყუთები, ისინი ნელინელ, დიდის მოკრძალებით უახლოვდებიან სალაშქრო ქუჩნას. ეს ორი კვირაა, რაც მთელი გარნიზონის მასტაბით გაცემულია ბრძანება, რომლითაც ეკრძალება ჯარისკაცებს ადგილობრივ, არაბთა ბავშვებს მისცენ რაიმე საკმელი. ვინც არ დაემორჩილება ამ „სავალდებულო“ ბრძანებას იმას ამწყვდევენ ნოუბახში.

საველე სამხარეულოს ირგვლივ ირევიან შავგვრემანი, სიმშოლისაგან ღონე-მიხდილი ბავშვები.

ყოველდღე აქ გაისმის მაძლარი და კმაყოფილი ოფიცრის გარეწარი ხმა. ის მუდამ ბრაზმორეულია. იძლევა სხვადასხვა ბრძანებას, მუქარით და გინებით:

— გარეკეთ ეს ტილიანი ბრბო... ეს მშიერი-მწყურვალთა ხროვა... მიუხედავად ოფიცრისაგან მიყენებული ათასგვარი შეურაცხულისა ეს მშიერი ბავშვები იძულებულნი არიან აიტანონ დამცირებანი და განუწყვეტილვ ტრიალებენ ქუჩნის ირგვლივ.

ბავშვები ნარეცხ-წყალში თითებით და ჯოხით იქერენ ხორცის ნაფლეთებს, აგროვებენ გადაყრილ გამხმარ პურის ნატეხებს.

ყველგან დაძრწიან ეს მშიერი ბავშვები. ისინი გმინავენ ყველა ქუჩებსა და მოედნებზე... ყველგან გაისმის მათი განწირული, მკენე-სარე ხმა...

— ჯარისკაცებო, თქვენი ქირიმე... გვიწყალობეთ ლუკმა პური... გვაქამეთ რამე... მე დედ-მამა დამიხვრიტეს... ობოლი ვარ... უპატრონო... უთვისტომო... ეფენდი მოგვხედე... შენი ქირიმე...

— პური!..

— პური!..

— პური!..

ჯარისკაცის ფარაჯის ქვეშ ხშირად სცემს ნამდვილი მუშის გული. ჩვენ ვერაფერი ვერ გვაკავებს... ჩვენ ვიტანჯებით და გულს გვტკივა, როცა ამ სურათს შევყურებთ... ჩვენ მათ ხელს ვუწყობთ, რთაც კი შეგვიძლია, ვეხმარებით... დე, დაგვაპატიმრონ ამისათვის...

ბავშვები ღებულბოგენ საკმელს ასეთი წვალეებით... მათ სიხარულს საზღვარი არა აქვს... ისინი აღფრთოვანებით გარბიან თავიანთ სახლებისაკენ... მათ ნარჩენებზე ძღვებიან ძაღლები... ამის შემდეგ შიშველ-ტიტველი ბავშვები წვებიან მზეზე, თბებიან თავიანთ ოთხფეხა ცხოველებთან ერთად და მაძლარნი „ბედნიერად გრძნობენ“ თავს...

ამერიკელი ფაშისტების მხეცობანი

მუშების დახოცვადლისით.

მიმდინარე წლის სექტემბრის 14 უაშისტები შეეცადნენ გაერეკათ გასტონში გაფიცული ფეიქრები ფაშისტური ტერორისტული ბრბო თავს დაესხა საბარგო ავტომობილს, რომლითაც მუშები მიემგზავრებოდნენ მიტინგისათვის დანიშნულ ადგილისაკენ. ფაშისტებმა ასტეხეს სროლა, იქვე მოკლულ იქნა მუშა ქალი ელ ლევიგინს (იხ. ჩვენი ჟურ. დღევ. ნომრის 5 გვ.) მოკლულ ქალს დარჩა ოთხი მცირეწლოვანი შვილი. განსვენებულ იყო ბესემერ-სიტის ფეიქართა კავშირის მდივანი.

შარლოტში პროცესის შეწყვეტის შემდეგ, რომელსაც შედეგადმოჰყვა ნაფიცთა შემადგენლობის შეცვლა, ფაშისტური ბრბოების თარეშმა მეტად მწვავე და მოუთმენელი ხასიათი მიიღო. სასამართლოს სხდომის შეწყვე-

ტის შემდეგ, ორშაბათ საღამოს უაშისტები გაემგზავრნენ ასზე მეტი ავტომობილით ჩრდლო კაროლინის სამ ქალაქისაკენ—გასტონში, შარლოტესა და ბესემერ-სიტში. ისინი ფეიქართა პროფესიონალურ კავშირების ბელადებს და ბრალდებულთა დამცველებს ღინჩის კანონით ემუქრებოდნენ. ტერორისტები შეუვარდნენ დამცველთა კომიტეტს შენობაში და სრულიად მოსპეს იქ არსებული ლიტერატურა. შუა ღამისას იმათ დააპატიმრეს პროფკავშირის სამი ბელადი და სასიკვდილოდ სცემეს ინგლისელი ბე უ ე ლ ს ი, ეს უკანასკნელი ფეიქართა კავშირის ერთ-ერთი დამაარსებელთაგანია.

ამის შემდეგ იმათ ხელი მიჰყვეს დარბევა-აწიოკებას და ემზადებოდნენ პროფკავშირის მუშაკთა საწამებლად,

მაგრამ იმათ განზრახვას ხელი შეუშალა უეცრად გზაზე ორი ფერმერის გამოჩენამ, რომლების შეეშინდათ იმათ. დაზარალებულებმა ბრბოში გამოიცილეს შარლოტენის პროცესის პროკურორი ჯონ კარპენტერი და რამდენიმე იურისკონსულტები საფეიქრო წარმოებებიდან, მათთან იყვნენ აგრეთვე საფეიქრო ფირმების ზოგიერთი მოსამსახურეები და პოლიციელები.

ამ უბადრუტთა კადნიერებამ იქამდისაც კი მიადწია, რომ ისინი არ ცდილობდნენ სახის დამალვას და მოქმედებდნენ სრულიად უნილაბოთ.

დაზარალებულთა მიერ აღძრული საჩივრის თანახმად დაპატიმრებული არის რამდენიმე პატარა მოსამსახურე საფეიქრო ფირმებიდან და პოლიციელები. მიუხედავად ყოველივე ამისა ამ საქმის შესახებ ყოველგვარი კვლევა-ძიების წარმოება მინდობილი აქვს იმავე ჯონ კარპენტერს, რომელიც დაზარალებულებმა გამოიცილეს თავდამსხმელ ბრბოში.

მიუხედავად ფაშისტების მკაცრი დამუქრებისა ფეიქრებმა დაადგინეს იმავე დღეს მოეწვიათ მიტინგი გასტონში. პრესა საჯაროთ აფრთხილებდა მათ, თუ

ისინი ხელს არ აიღებდნენ მიტინგის მოწვევის პროექტზე და ამისათვის წარმოებულ წინასწარ სამზადისსზე იმ შემთხვევაში ფაშისტები ისევ ახალი თავდასხმების მოწყობით იმუქრებოდნენ.

დააპატრეს პროფკავშირის 8 წევრი, რომლებსაც ბრალდებით წაუყენეს კომუნისტური შეთქმულებების მოწყობის ცდა, ჩრდილოეთ კაროლინის შტატების ხელისუფლების დასამხობათ.

სწორეთ იმ დაგილას, სადაც უნდა მოეწვიათ მიტინგი დააყენეს ჩინებულიად შეიარაღებული პოლიციელები. მიუხედავად ამისა დანიშნული დროისათვის თავი მოიყარეს აუარებელმა მუშებმა. ამავე დროს ბესემერ-სიტიდან ავტომობილებით მომავალ 20 მუშას გზა გადაუჭრეს ფაშისტებმა. უკანასკნელებმა ასტეხეს სროლა, რომლის დროს სასიკვდილოდ დაშავდა რამდენიმე მუშა და დაეცა აშხ. ელ ლა ვიგინსი.

ამასთანავე ერთად პოლიციამ დააპატიმრა რემედისის წარმომადგენელი ლისტონი, რომელიც სხვებთან ერთად გამოცხადდა მიტინგისათვის დანიშნულ ადგილას.

ნ ა ა მ ბ ო ბ ი

— „საღამოა და ზარბაზნის
ცეცხლი არ ბოლავს —
ცას ღრუბელი გაჰკვრია და
გაფითრებულა.

შევსცქერი ცას, ცა ბოლმას ღვრის
და სევდას უღევს;
ჯარისკაცებს სანგრებიდან
გაფითრებულებს.

ეს მესამე წელია და
წლის მეოთხე დრო
სანგრებში ვართ, სიხარული
ვინ დაგვიმკვიდროს.

გული გვქონდა მთელი, ისიც
ლამემ დაგვიხრა —
ჩემო თეთრო სიკაბუკე
საით წასულხარ“

მე ამგვარად ვფიქრობდი და
თვალს ვავლებდი მთებს
როცა მითხრეს: „ამბოხების
დროშა აღმართეს“

სულ კი ეხლა სიხარულს —
თვალს ვაწვდი ცეცხლს —
თოფს, რომელიც მძაგდა, ეხლა
სამეგობროთ ხელს
ვუწვდი, ვხედავ იმედების

ზვირთებს შევებით
და ჩვენც ცეცხლში გრიგალივით
გადავეშვებით.

ვილაც თეთრი, ტანდაბალი
იდგა ლოდებთან —
გაჰკიოდა, ბრძოლისათვის
მოგვიწოდებდა.

კაცი იგი სანგრებიდან

ბევრს არ უცვნია,
მაგრამ მივხვდით, რომ ჩვენთანაც
გაჩნდა რევოლიუცია
მოსულიყო, რომ შებმოდა
წყვდიადს, სიშავეს;
ჩვენ ყველანი ბრძოლისათვის
ავიშალენით.

ვიქტორ გაბესკირია.



ძირს საერთაშორისო იმპერიალისტური ომი!

რემედის საბიუჯეტო სისტემა

რემედის საბიუჯეტო სისტემა მომავალ წელში

დღემდის რემედის ორგანიზაციაში არსებული საბიუჯეტო სისტემა ვერ იძლეოდა სასურველ შედეგებს. რაც ნათელყო უკანასკნელ ორი წლის განმავლობაში ჩატარებულმა მუშაობამ.

დღემდე არსებული სისტემის დროს რემედის საქართველოს ცეკა ზევიდან აძლევდა საკანტროლო ციფრებს ქვემდგომ ორგანიზაციებს, ეს უკანასკნელნი კი ანაწილებდნენ მას რაიონებსა და უჯრედებს შორის. მომავალი წლის იანვრის პირველიდან ეს წესი არსებითად შეცვლილი იქნება. მომავალში უჯრედები თვით განსაზღვრავენ თავიანთ შემოსავალს ორგანიზაციაში შემავალ წევრთა რაოდენობის მიხედვით.

უჯრედები ვალდებული არიან თავიანთი შემოსავალ-გასავლის ხარჯთ-ალრიცხვა გადაგზავნონ რაიონულ კომიტეტებში. ეს უკანასკნელი კი აჯამებს ყველა უჯრედების მიერ გადმოგზავნილ შემოსავალ-გასავლის ხარჯთ-ალრიცხვას და უზგავნის საოლქო კომიტეტს. ოლქოში თავის მხრივ აჯამებს რაიონულ კომიტეტებისაგან გადმოგზავნილ ხარჯთ-ალრიცხვებს, უმატებს მას თავისას, რაიონულ კომიტეტების შემოსავალ-გასავალს და აგზავნის რემედის საქ. ცენტრალურ კომიტეტში.



ჩვენი ჟურნალის მეგობარი ამხ. მესხიშვილი. ქ. ტფილისის ალმასკ. კომ. მეურ. განყ. შეაგროვა ჟურ. „რემედის“ 47 ექვსთვიანი ხელისმომწერი.

ცეკა აღნიშნული მასალების მიხედვით ადგენს თავის ბიუჯეტს რესპუბლიკის მასშტაბით. უნდა აღინიშნოს, რომ ჩვენი ქვემდგომი ორგანიზაციები გულგრლად ეკიდებიან შემოსავალ-გასავლის ხარჯთ-ალრიცხვის შედგენას; თავიანთ ბიუჯეტს ადგენენ ზერელეთ, არ ითვალისწინებენ შესძლებენ თუ არა მის შესრულებას, არ უწევენ ანგარიშს თავიანთ ორგანიზაციის წევრთა რაოდენობას. მათ მიერ საწევრო და ნებაყოფლობითი შემოწირულებათა შემოტანის შესაძლებლობას.

აქვე უნდა დავსძინოთ, რომ შედგენილ ბიუჯეტს მაზრები და რაიონები არ აგზავნიან თავის დროზე ან საგრძნობლად აგვიანებენ, რაც ხშირად არღვევდა რემედის საქ. ცეკას საბიუჯეტო სისტემას. ეს კი ცეკას საშუალებას არ აძლევდა შეედგინა თავისი მტკიცე ბიუჯეტი. დღესდღეობით კი რემედის საქ. ცეკას მიზნად დასახული აქვს, ყოველგვარი ზომები იქნეს მიღებული ქვემდგომ ორგანიზაციების მიმართ, რათა დროზე წარმოადგინონ სწორად გამოანგარიშებული შემოსავალ-გასავლის ხარჯთ-ალრიცხვა.

ახალ საბიუჯეტო სისტემაზე გადასასვლელად ყოველი უჯრედი ვალდებულია შეადგინოს თავისი შემოსავლის ჯამი უჯრედის წევრთა რაოდენობის მიხედვით, უნდა დაუმატოს მას შემატებული წევრთა საშუალო რაოდენობა. უჯრედი ვალდებულია გამოარკვიოს, თუ რამდენი საწევროს შეტანა შეუძლია ამა, თუ იმ წევრს.

თუ ჩვენთვის ცნობილია წევრთა რაოდენობა ადვილად შეგვიძლია გამოვიანგარიშოთ ნებაყოფლობითი შემოწირულებანი, საწევრო წიგნაკებისა და სპეციალური კამპანიების ჩატარებისაგან მიღებული შემოსავალი. უჯრედის გასავლის ნაწილი განისაზღვრება სალამოებისა და კინოს მოწყობისაგან აღებული პროცენტებით, რომლის წმინდა შემოსავლიდან ქალაქის უჯრედს რჩება 25%, ხოლო სოფლისას კი 50%.

თუ უჯრედს არა აქვს სალამოს, ან კინოსაგან შემოსავლის გათვალისწინების საშუალება, მას ნება არა აქვს სხვა თანხებიდან გასწიოს რაიმე ხარჯები. ყველა ზემოაღნიშნულ მუხლების მიხედვით უჯრედი ადგენს თავის შემოსავალ-გასავლის ხარჯთ-ალრიცხვას და მას უგზავნის რაიონულ კომიტეტს.

რაიონული კომიტეტი თავის მხრივ აგზავნის მას საოლქო კომიტეტში; ამ უკანასკნელმა თავის ბიუჯეტის შემოსავლის ნაწილში უნდა გაითვალისწინოს — შემდეგი მუხლები: 1. საწევრო და შესასვლელი, 2. საწევრო წიგ-

ნაკებისაგან შემოსავალი. 3. ნებაყოფლობითი შემოწირულობანი, 4. შემოსავალი სალამო-კონცერტებისაგან. 5. შემოსავალი სპეციალური კამპანიებისაგან.

სალამო-კონცერტებისაგან შემოსავალი ნაჩვენები უხდა იქნას ყველა ხარჯების გამოკლებით, რომელიც გაწეულია მათ მოწყობაზე ე. ი. წმინდა მოგება.

ლიტერატურის, ან სხვა გამოცემული მასალებისაგან აღებული შემოსავალი ნაჩვენები არ უნდა იქნეს, გარდა საწევრო წიგნაკებისა. სპეციალურ კამპანიებში გათვალისწინებული უნდა იქნას, მხოლოდ საზამთრო კამპანიის დროს შემოსული თანხები.

ბიუჯეტის გასავლის ნაწილი განისაზღვრება შემდეგი მუხლებით: 1. ხელფასი. პროცენტული ანარცხები დამზღვევ სალაროს და ადგილკომს. 2. ორგანიზაციული ხარჯები, საკანცელარიო, ფოსტა-ტელეგრაფის, სამნეო და მივლინებების. 3. აგიტ-პროპ ხარჯები, 4. პლენუმი და კონფერენციები. ყველა ზემოაღნიშნული მუხლი საფუძვლად უნდა დაედვას ბიუჯეტის შედგენას.

რემედისის საოლქო, ან სამაზრო კომიტეტს საშუალება ეძლევა მთელი შემოსავლისაგან გასწიოს ხარჯები თავის ოლქში, ან მაზრის მასშტაბით მხოლოდ 15% რაოდენობით. ასე, რომ შეძლებულ რაიონების ხარჯზე საოლქო, ან სამაზრო კომიტეტს საშუალება მიეცემა გაუდიდოს % სუსტ რაიონებს, იმ ვარაუდით, რომ მთლიანი ბიუჯეტის შედგენის დროს საერთო გასავალი შემოსავალთან შედარებით არ აღემატებოდეს 15%.

ბიუჯეტის შემოსავლის ნაწილის შესასრულებლად მთავარი ყურადღება უნდა მიექცეს საწევროსა და შესასვლელის აკრეფას, ახალ წევრების ჩაბმას ორგანიზაციაში, ნებაყოფლობითი შემოწირულობათა გადიდებას. რაც შეეხება სალამო-კონცერტების მოწყობას ამას უნდა უცქიროთ მხოლოდ, როგორც მომგებიან საქმეს.



რემედისის აფხაზეთის საოლქო კომიტეტის აქტივი.



გომბორის რემედისის თემკომის მიერ მოწყობილი „რემედისის ფუტკარი“. სდგანან მარჯვნიდან მარცხნივ: 1. აშხ. ალექსანდრე მგალობლიშვილი (რემედისის თემკომის თავმჯდომარე), 2. აშხ. მიხეილ სტაროვეროვი (აგრონომი, „რემედისის ფუტკარი“-ს მომწყობი და ხელმძღვანელი და 3. აშხ. ემელიან გიორგაძე (რემედისის თემკომის მდივანი).

ბიუჯეტის გასავლის ნაწილში შტატის შენახვაზე სხვა მუხლებთან შედარებით იხარჯება ყველაზე უფრო მეტი თანხა, ამისათვის სასურველია მტკიცე შტატის განსაზღვრა და სადაც შესაძლებელია გადასვლა ნებაყოფლობითი, უსასყიდლო მუშაობაზე.

ახალი სისტემა, რომელზედაც გადაყვანილი უნდა იქნეს ყველა უჯრედი განტვირთავს რაიონულ კომიტეტებს მუშაობისაგან ფინანსიურ დარგში.

ამავე დროს ყურადღება უნდა მიექცეს სხვა დანარჩენ ხარჯების შემცირებასაც. ყველა კონფერენციები და პლენუმები ჩატარებული უნდა იქნეს სასტიკი ეკონომიით.

ბიუჯეტით გათვალისწინებული ხარჯების გაწევა, გათვალისწინებულის გადამეტება და შემოსავლის ნაწილის შეუსრულებლობა გამოიწვევს რემედისის საქ. ცენტრალურ კომიტეტის ბიუჯეტის მერყეობას და გაამწვავებს ორგანიზაციის ფინანსიურ მდგომარეობას.

უნდა გვახსოვდეს, რომ ბიუჯეტის შესრულებას დიდი მნიშვნელობა აქვს, მას გეგმიანობა შეაქვს ორგანიზაციის ფინანსიურ მუშაობაში.

ამიტომ ხელი უნდა შეუწყოს ცეკას მიერ განზრახულ ახალ სისტემის ცხოვრებაში გატარებას, რათა აღმოუხვრილი იქნეს ის დაუდევრობანი რომელიც გასულ წლებში ახასიათებდა ჩვენი ქვემდგომი ორგანიზაციების ფინანსიურ მოღვაწეობას.

ვლ. აბზიანიძე.

რემედის საკარველოს ცენტრალურ კომიტეტში 1929 წ. 1/1-დან 1/X-დე შემოსული თანხების ნუსხა და საოლქო და სამაზრო კომიტეტების მიერ ბიუჯეტის შესრულების მარგენებელი.

№	დასახელება	საწევრო და შესასვლელი		ნებაყოფლობ. შემოწირ.		სპეციალური კამპანიები		გარდამავალი თანხები		სულ მიღებული რემედისის ც. კ.		1929 წ. უნდა გადმოგზავნათ		ნუსხის №
		მან.	კ.	მან.	კ.	მან.	კ.	მან.	კ.	მან.	კ.	მან.	კ.	
1	ტფილისის საოლქო კომ.	8982	53	9567	13	4473	37	8899	49	31922	52	29300	—	103,09
2	ქუთაისის სამაზრო კომიტ.	1188	76	884	19	7078	07	—	—	9151	02	7300	—	125,35
3	აფხაზეთის საოლქო კომიტ.	1289	00	4100	35	861	86	1500	00	7751	21	9200	—	84,25
4	აჭარისტანის "	1975	21	344	02	2776	88	100	00	5196	11	7000	—	74,23
5	ფოთის სამაზრო კომიტ.	1611	94	285	53	2190	47	—	—	4087	94	3000	—	136,26
6	გორის "	1016	58	790	00	248	00	—	—	2054	58	3000	—	68,48
7	შორაპნის "	—	—	300	00	1300	00	48	00	1648	00	3000	—	54,93
8	კახეთის "	98	20	500	20	1000	00	—	—	1598	40	3000	—	53,28
9	სენაკის "	346	60	139	00	516	00	40	00	1041	60	2000	—	52,08
10	ახალციხის "	220	00	700	00	—	—	—	—	920	00	2600	—	35,38
11	სამხრეთ-ოსეთის საოლქო კომ.	232	60	—	—	330	33	—	—	562	93	510	—	110,37
12	ზუგდიდის სამაზრო კომ.	213	62	300	00	—	—	48	13	561	75	1800	—	31,2
13	ახალქალაქის სამაზრო კომ.	256	00	—	—	270	00	—	—	526	00	1000	—	52,6
14	რაჭა-ლეჩხუმის სამაზრო კომ.	—	—	25	00	59	00	—	—	84	00	700	—	12,0
		17431	04	17935	42	21103	98	10635	62	67106	06	72510	—	

შენიშვნა: საწევრო ანარიტეტების აკრებაში პირველი ადგილი უჭირავს — ტფილისის საოლქო კომიტეტს, მეორე — ფოთის სამაზროკომს, მესამე — აჭარისტანის საოლქო კომიტეტს, მეოთხე — აფხაზეთისას, მეხუთე — ქუთაისისას, მეექვსე — გორისას, მეშვიდე — სენაკის სამაზროკომს, მერვე — ახალქალაქისას, მეცხრე — სამხრეთ-ოსეთის საოლქო კომიტეტს, მეათე — ახალციხის სამაზროკომს, მეთერთმეტე — ზუგდიდის სამაზროკომს, მეთორმეტე — კახეთის საოლქო კომიტეტს.
საწევრო ანარიტეტები სრულიად არ გადმოგზავნიან შორაპნისა და რაჭა-ლეჩხუმის ორგანიზაციებს. ღლეშდის არაფიქსირებული თანხა არ შემოსულა ოზურგეთის სამაზრო კომიტეტისათვის.

რემედისის საქ. ცეკას ბუხალტერი: ვლ. აბზიანიძე.

მოღარე: ვ. მდივნიშვილი.

რემედასის მესამე სამაზრო კონფერენცია

(სენაკის მაზრა)

1929 წ. ივლისის 28 შესდგა რემედასის სენაკის მაზრის ორგანიზაციების მესამე კონფერენცია. დაესწრო 27 დელეგატი და რემედასის ქალაქის ორგანიზაციის წევრები.

დღის წესრიგში იდგა შემდეგი საკითხები: 1. სამკომის საანგარიშო მოხსენება (მოძ. ვ. დ. ე. მ. უ. რ. ი. ა.), 2. სამკომისა და სარევიზიო კომისიის არჩევნები.

თავის მოხსენებაში ამხ. დემურია შეეხო საერთაშორისო პოლიტიკურ მდგომარეობას და მასთან დაკავშირებით რემედასის მიზნებსა და ამოცანებს.

ამხ. დემურია დაწვრილებით შეეხო რემედასის ორგანიზაციის მოღვაწეობას უკანასკნელი ორნახევარი წლის განმავლობაში. მოხსენებიდან გამოიკვეთა, რომ თუ რემედასის მეორე კონფერენციამდე ორგანიზაციებში გაერთიანებული იყო 2.000 წევრი, დღეს მის რიგებში დარაზმულია 5.280 წევრი.

რემედასის იდეის პოპულარიზაცია მშრომელთა მასაში შედარებით გვარიანად არის დაყენებული; ფინანსური მდგომარეობა წარსულთან შედარებით გაუმჯობესდა.

ზოგიერთ მიღწევებთან ერთად ორგანიზაციებში ადგილი აქვს ნაკლსაც. ახლად არჩეულ სამაზრო კომის მდგომარეობის

მარეობის მკვიდრ ნიადაგზე დასაყენებლად დაევალა შემდეგი:

1. გააფრთხილოს და გააღრმავოს ორგანიზაციული მუშაობა და ჩააბას ორგანიზაციაში პირველ რიგში მოჯამაგირე, ღარიბი და მშრომელი ქალები.

2. ყურადღება მიაქციოს მასიურ მუშაობას, აქტივის გაძლიერებას და საშუალებათა გამოჩახვას.

კონფერენციამ აირჩია სამაზრო კომისი და სარევიზიო კომისია. სამკომში არჩეული იქნა 23 წევრი და 9 კანდიდატი, სარევიზიო კომისიაში კი — 3 წევრი და 2 კანდიდატი.

კონფერენციის დამთავრების შემდეგ გაიხსნა პლენუმი, სადაც არჩეულ იქნა პრეზიდიუმი, რომლის შემადგენლობაში შევიდნენ: ამხ. ი. ბეჭაია, ვ. დემურია, შ. ალასანია, ლ. კოკაია, მ. ბოკერია, დოლონაძე, ლ. ადანაია, მ. თევზაია, გ. ხვიჩია; კანდიდატებათ — მიხა გოგია და ამხ. ნესტორ ცომაია.

პრეზიდიუმმა თავმჯდომარედ აირჩია ამხ. ვ. დემურია და მდივნათ ამხ. შ. ალასანია.

ა. შ.

ილტვიან რემედასის რიგებისაკენ

(ს ა დ. ტ ყ ი ბ უ ლ ი)

რემედასის უჯრედი უკვე ჩამოყალიბდა სადგურ ტყიბულში. ახლო წარსულში მოეწყო რემედასის კუთხე და გამოწერილი იქნა ჟურნალ „რ ე მ ე დ ა ს“. ამჟამად უჯრედში ითვლება 60 წევრამდე. სულ მახლობელ რაიონის მასშტაბით 200 მეტი რემედასის წევრი ითვლება.

უნდა ითქვას, რომ რემედასის ორგანიზაცია ადგილობრივად მეტად ნაყოფიერად მუშაობს, რაც უნდა მიეწეროს მისი ხელმძღვანელის ი ვ ა ნ ე ფ ე ტ ი ს ო ვ ი ს ე ნ ე რ გიულ მოღვაწეობას.

აღსანიშნავია აგრეთვე ის გარემოებაც, რომ ადგილობრივ ორგანიზაციასთან ცოცხალი და მჭიდრო კავშირი

აქვს დამყარებული ქუთაისის რკინის გზის რემედასის რაიკომს.

ჩვენ ვფიქრობთ, თუ მომავალში ეს ხელისშეწყობა გაძლიერებული იქნება რემედასის ორგანიზაცია გაცილებით უფრო მეტ ნაყოფს მოგვცემს ვინემ ამას წარსულში ჰქონდა ადგილი. სამწუხაროდ უნდა ითქვას, რომ ეს ანბანური ქვემარბეობა ყველა ამხანაგებს არა ქვს შეგნებული. დრო ზოგიერთმა, ტყიბულელმა ამხანაგებმა შეიგნონ ეს და ხელი შეუწყონ რემედასის საქმიანობას.

რემედასელი.

რემედასი იჭრება მასებში

(ს ა დ. ქ უ თ ა ი ს ი)

რკინის გზის ქუთაისის სადგურთან არსებულ ამხ. ფ. ი. ლ. ი. პ. ე. მ. ა. ხ. ა. რ. ა. ძ. ი. ს. სახელობის კლუბში შესდგა ქუთაისის რკინის გზის რემედასის რაიკომის გაფართოებული კონფერენცია.

კონფერენციას დაესწრნენ: სად. ტყიბულის, საწირის, ხრესილის, გელათის, რიონის, აჯამეთის, სვირის და ქუთაისის რემედასის უჯრედის მდივნები.

რემედასის მიმდინარე ამოცანების გარშემო მოხსენება გააკეთა ქუთაისის მაზრის რემედასის პ/მგ. მდივანმა ამხ. ტ. რ. ა. პ. ა. ი. ძ. ე. მ. ადგილებიდან ჩამოსული ამხანაგები აღნიშნავენ რემედასის ორგანიზაციის ავტორიტეტის ზრდას მშრომელ მოსახლეობაში და ამ უკანასკნელთა ლტოლვას უჯრედებისაკენ.

დორგანელი.

გამომცემელი რემედასის საქ. ცენტრ. კომიტეტი.

რედაქტორი: შამში ლეჟავა.

ტფილისი, ს.ს.მ.უ.ს. პოლიგრაფტრესტის 1-ლი სტ. პლ. პრ., № 91.

შეკვეთა № 1878.

მთავარლიტი № 1336.

ტირაჟი 4000.

გამოცემით და იკითხეთ

რემედის საქართველოს ცეკას და ტფილისის საოლქო კომიტეტის
ყოველთვიური მასიური ორგანო ჟურნალ

1930

რემედის

1930

გამოცემის წელი მეშვიდე

ჟურნალში უბრალოდ ექცევა საერთაშორისო რევოლუციონურ მოძრაობას, თეთრი ტერორისა და ფაშისტების თარეშს, როგორც დასავლეთ-ევროპის კაპიტალისტურ სახელმწიფოებში, ისე აღმოსავლეთის კოლონიალურ და ნახევრად კოლონიალურ ქვეყნებში; ზატყმარ რევოლუციონერების მდგომარეობას კაპიტალის საწურობილეებში; რემედისის, როგორც **საბჭოთა პარტიისა და საქართველოს ორგანიზაციების, ისე უსხოეთის საქმიანის მოღვაწეობას.**

ფართო ადგილი ეთმობა აგრეთვე სხატვრულ ლიტერატურას და მსატვრობას. ჟურნალში მოთავსებული იქნება მდიდარი ილიუსტრაცია, როგორც საერთაშორისო მუშათა კლასის და რევოლუციონური გლეხობის კლასობრივი ბრძოლების ეპისოდებიდან, ისე ეველა ქვეყნის რემედისის სექციების მუშაობიდან.

ხელის მოწერის პირობები

ერთი თვით 20 კაპ.
სამი თვით 60 "

მკვნი თვით 1 8. 15 კაპ.
ცხრა თვით 1 " 70 " "
ერთი წლით 2 " 20 "

ხელისმოწერა მიიღება მხოლოდ ყოველი თვის პირველ რიცხვიდან

ყოველი აქტიური რემედისელი, უჯრედი, ქობ-სამკითხველო, მუშა-მოსამსახურე, მშრომელი გლეხი და დიასახლისი უნდა გახდეს ჩვენი ჟურნალის ხელისმომწერი.

ჟურნალ „რემედის“-ზე ხელისმოწერით ჩვენ ვალვივებთ მშრომელ მასაში ინტერნაციონალურ ერთსულოვნებას.

რემედისის უჯრედებო და გეგდვითი სიტყვის ორგანიზატორებო იუსრუნეთ თქვენი ჟურნალის გავრცელებაზე

ჟურნალზე ხელის მოწერა იწარმოებს, როგორც რემედისის საქართველოს ყველა საოლქო, სამაზრო, სარაიონო კომიტეტებში და უჯრედებში, ისე ფოსტა-ტელეგრაფის განყოფილებებში.

1930 წ. იანვრის პირველიდან ჟურნალ „რემედის“ გადაეგზავნება მხოლოდ ხელის მომწერლებს.

რემედისის საქ. ცენტრალურ კომიტეტის გამომცემლობა.